

四庫全書

子部

欽定四庫全書

子部  
圖書編卷九十九

詳校官中書臣孫 衡

主事臣祁韻士覆勘

總校官進士臣朱 鈐

校對官編修臣秦 瀛

謄錄監生臣胡昱光

繪圖監生臣董椿

欽定四庫全書

圖書編卷九十九

明 章潢 撰

禘祫總叙

禘祫國家大禮也古今論者何紛紛無別耶黃氏謂  
禘追祭其所自出故為追享祫羣主皆朝於太祖而  
合食故為朝享此定論也周禮大宗伯曰以肆獻裸  
享先王以饋食享先王以祠禴嘗烝享先王夫廟享

之制始獻有裸鬯禮既裸而獻有薦腥禮既薦而肆有薦熟禮既肆而饋有饋食禮凡禘祫四時之祭皆然鄭康成則謂廟祭有此六享以祫言肆獻裸以禘言饋食如此而分祫禘則非矣然有混禘於祫者則謂禘不合羣廟之主不知合羣主於太祖之廟在祫祭固然禘則禘其祖之所出配以太祖而亦及羣廟之主禘主始祖祫主太祖此禘之所以異於祫也又有混禘於郊者以用繭栗故也惟王肅謂禘用繭栗而非

事天蓋祭天用騂犢禘其所自出之帝故亦以天道  
事之而郊禘亦判然不相淆矣但禘之名一也時禘  
每歲行於三時惟合未毀之主大禘行於三年則畢  
陳已禘之主而禘有二也明矣禘之名亦一也大傳  
謂禮不王不禘王者禘其祖之所自出而以其始祖  
配之非大禘乎祭義謂春禘秋嘗王制謂天子禘禘  
諸侯禘一牲一祫左氏謂禘烝嘗於廟晉人謂寡君  
未禘祀非時禘乎如此而謂禘亦有二可也苟非時

禘豈祭義王制左傳之皆謬耶或曰禘祫皆一名二  
祀矣三年一祫五年一禘謂禘大於祫何歟曰祫雖  
合升羣主而止於太祖禘則推本祖之所自出以  
而謂禘大於祫非歟孔子不答或人之問且云知其  
說者之於天下則禘義之大可識矣或曰諸侯禘一祫  
謂魯為僭而取譏春秋何歟曰周公魯太祖也后稷  
乃周天子太祖之廟諸侯不得而祖之闕宮雖非禘  
祭之時既曰皇祖后稷又曰赫赫姜嫄所以孔子謂

魯之郊禘非禮其僭用大禘明矣况春秋所書禘  
又不於太廟而於莊公之宮正所謂失禮之中又失  
禮也或又曰禘祭通行於侯國文公二年大事於太  
廟大事禘也春秋又何譏耶曰僖公之喪未畢而行  
大禘且以躋僖公焉明年春又禘於太廟是春秋所  
譏有在非謂禘也後代遂緣此謂禘禘相承定歲  
月尤為無據雖然古禮經無明文已不能考其詳而  
又不析其義莫若禮以義起凡王者之祀五年禘其

祖之所自出配以太祖三年禘於太祖之廟合享毀  
廟之主四時或禘烝禘嘗合享未毀之主皆可也否  
則牽扯文義反悖聖經謂之古禮可乎



周 大 禘 圖

不窋至宣王為昭皆南向

太祖后稷東向


自不窋至宣王昭皆南向

春秋文公三年八月丁卯大事於太廟公羊傳曰  
大事者何大禘也大禘者何合祭也其禘祭奈何  
毀廟之主陳於太祖未毀廟之主皆升合食於太

祖

穀梁傳同

周時裕圖



禘祭於祖則祝迎四廟之主

疏曰禘合祭太祖當禘之時則祝迎高曾祖

禘四廟而於太祖廟祭之天子合祭則主出廟入廟迎六廟之主今言迎四廟者舉諸侯言

必蹕

蹕止行者

疏謂木主羣廟之主也出廟謂出已廟而往太祖廟入廟謂徙太祖廟反還入已

廟院之外當主出入之時

天子植禘禘嘗禘蒸

植音特

春一禘而已

不禘以物無成者不設祭廬植曰春持餘禘程子曰禘合祭也諸侯亦祭禘只是祠

禘嘗蒸之祭為廟禮煩故每年於四祭之中三祭禘食於祖廟惟春則祭諸廟也楊氏曰程子之言正解釋此

章之義其曰禘合祭也只是祠禘嘗蒸之祭為廟禮煩故每年於四祭之中三祭合食於祖廟惟春則祭諸廟

此說推明時禘之本意最為明白又曰諸侯禘禘禘亦祭禘則通諸侯禘亦祭禘可見矣諸侯禘植明

文 牲 禘 一 牲 一 禘 嘗 禘 烝 禘 王制 橫渠張子曰天子  
七廟 一曰而行則力不及

故禮有一牲一禘之說 牲則祭一禘則偏祭如春祭高祖  
夏祭羣廟秋祭曾冬又禘來春祭祖夏又禘秋祭禰楊氏  
曰張子謂禮有一牲一禘之說正解釋此章但本章言禘  
嘗烝三祭皆禘惟禘一特一禘禮文殘缺指不分明故張  
子不從其言而別為之說曰春祭高祖夏祭羣廟秋祭曾  
冬又禘來春祭祖夏又禘秋祭禰冬又禘雖一牲一禘之  
說皆可通但言牲只祭一廟而遺其餘廟恐於人情亦有  
所不安不若前章程子之言簡而意備也又春祠夏禴秋  
嘗冬烝周時祭名詩所謂禴祠烝嘗于公先王是也此云  
禘禘嘗烝乃記禮者之誤也 又按時禘即四時禴祠烝  
嘗之祭為時祭羣廟禮煩乃合高祖禰  
之主於太祖之廟並祭之故曰時禘

# 周大禘圖

稷

嚳  
東向

趙伯循曰禘王者之大祭也王者既立始祖之廟又推始祖之所自出祀之於始祖之廟而以始祖配之也

周禘總論

禘從帝從禮禘為帝之禮不待辨矣故惟天子得行之列國諸侯皆不與也周大禘以帝嚳為所自出之帝以后稷配之蓋昔有郤氏之女曰姜嫄為帝嚳元妃而生稷唐虞之世稷播百穀以為農師有功於民因封於郤是后稷為始封之君也故周人祖之立太廟以祀稷為主至五年一禘則以嚳為自出之帝而以后稷配之其餘神主未必皆不與也蓋帝嚳不立

廟當祭之時則特設一神主於后稷之廟而稷配享於旁禘畢則徹去饗之神主而稷仍居東面以享四時之祭也五年一禘者蓋五年再閏天道大備故王者為之舉大禮也禘必於四月蓋春夏之交萬物生長故祭其所自生也酒則用四齊樂則用四代之樂獻則用九獻之儀此周禘之說也真知周禘其餘皆不待辨而自明矣

禘異禘祭辨



趙伯循謂王者禘其始祖所自出之帝於始祖之廟以始祖配之而不及羣廟之主蓋觀諸大傳乎王者禘其祖之所自出以其祖配之諸侯及其太祖大夫士有善省於君干祫及其高祖此以禘與祫對言則禘祫皆合祭通上下文見之也蓋諸侯之祫猶天子之禘諸侯及其太祖大夫士及其高祖是有廟無廟皆在而又上及其高祖太祖故謂之祫天子則于七廟及祧廟之上更及所自出之帝故謂之禘也若曰

禘其祖之所自出而反不及有廟無廟之主非人情矣故程子曰天子曰禘諸侯曰祫其禮皆合祭也爾雅禘大祭也非大合昭穆何以謂之大祭乎字書訓釋曰禘者諦也審諦昭穆也非合祭何以有昭穆乎蓋后稷有廟郊既配稷帝嚳雖自出而無廟不可以闕人鬼之享故五年一禘則后稷率有廟無廟之主以共享於嚳所以使子孫得見其祖又次世久遠見始祖之功德為尤甚也况后稷之廟凡太廟所已祧

之主皆藏焉豈可當享饗之時而并置之乎蓋禘祫所以相亂者由天子諸侯之制不明先儒或推天子之禮以說諸侯或推諸侯之禮以明天子不知諸侯之禮有祫無禘天子之禘禮必兼祫雖其意不主合食而率子孫以共享一帝自然當合食矣禮曰天子犴禘禘祫嘗祫烝則是天子祫禘隨時皆用也

### 禘祭考

有虞氏禘黃帝

趙氏曰虞氏祖顓頊顓頊出於夏后黃帝則所謂禘其祖之所自出

氏亦禘黃帝

義同舜也

殷人禘嚳

殷祖契出自嚳

周人禘嚳

義與殷同

禮不王不禘王者禘其祖之所自出而以其祖配之

自出謂所系之帝

諸侯及其太祖

太祖始受封君也

趙伯備曰諸侯有五廟惟太廟

百世不遷及其言遠祀之所及也不言不禘者不王不禘無所疑也不言禘者四時皆祭故不言禘也

大夫有大事省於若干禘其高祖

有省謂有功德見省也干者逆上之

意也言逆上及於高祖也

楊氏曰愚按天子有禘諸侯祭及太祖亦有禘大夫無禘惟有大功德見知

於其君乃得禘祭及高祖儀禮喪服不杖期章為人後者為其父母報條子夏傳曰都邑之士則知尊

禘矣大夫及學士則知尊祖矣諸侯及其太祖天子及其祖之所自出楊氏曰按大傳及子夏傳二章皆

言大夫祭諸侯又上及其太祖惟天子禘其祖之所自出所謂禮不王不禘也

按鄭氏注禘其祖之所自出以為王者之先祖皆感太微五帝之精以生祖者后稷也祖之所自出者蒼帝靈威仰也遂指禘以為亦祭天之禮混禘於郊舍讐而言靈威仰其說妖妄支離特甚先儒多攻之蓋祖者后稷也祖之所自出者帝讐也郊祀則及稷而禘則上及讐是宗廟之祀莫大於禘故祭法先禘於郊以其所祀之祖最遠故耳於祀天無預也至楊氏

引子夏傳以釋祖之所自出其說尤為明暢云

禘大祭也

五年一次

繹又祭也

疏云知非祭天之禘者以此文下云繹又祭也

為宗廟之祭知此禘大祭亦宗廟之祭也

爾雅長發大禘也

詩殷頌

朱子曰序以此為大禘之詩蓋祭其祖之所出而以

其祖配也蘇氏曰大禘之祭所及者遠故其時歷言

商之先君又及其卿士伊尹蓋與祭於禘也商書曰

茲予大享於先王爾祖其從與享之是禮也豈其肇

於商之世歟今按大禘不及羣廟之主此宜為禘禘

之詩然經無明文不可考也

雖禘太祖也

周頌

朱子曰祭法周人禘嚳又曰天子七廟三昭三穆及太祖之廟而七周之太祖即后稷也禘嚳於后稷之廟而以后稷配之所謂禘其祖之所自出以其祖配之者也祭法又曰周祖文王而春秋家說三年喪畢致新死者之主於廟亦謂之吉禘是祖一號而二廟禘一名而二祭也今此序云禘太祖則宜為嚳於后

稷之廟而其詩之詞無及於饗稷者若以為吉禘於文王則與序已不協而詩文亦無此意恐序之誤也此詩但為武王祭文王而徹俎之詩其後用於他廟耳

陳氏曰趙伯循謂禘祭不兼羣廟之主為其疎遠不敢褻此殆未嘗考之於經也詩頌長發大禘而歌玄王桓撥相土烈烈與夫武王之湯中葉之太甲雖禘太祖而歌顯考之武王烈考之文王則不兼羣廟之



說其足信哉

楊氏曰愚按禘祭不兼羣廟之主此非趙伯循之臆說也大傳云王者禘其所自出以其祖配之則不兼羣廟之主明矣曾子問云禘祭其太廟祝迎四廟之主又云非禘祭則七廟五廟為虛主公羊傳云大事者何大禘也毀廟之主陳於太祖未毀廟之主皆升合食於太祖此皆指禘祭而言並無一言說禘為殷祭則禘不兼羣廟之主又明矣是以朱子疑長發為

大禘之詩疑雖為武王祭文王而徹俎之詩是蓋以理決之而不為詩序所惑也且詩頌長發大禘但述玄王以下而上不及於所自出之帝雖禘太祖無一辭及其鬻稷而皆稱述文王武王則安得謂之禘詩乎詩序之不足信於此尤可見矣

按爾雅以禘為大祭祭法序禘先於郊夫子答或人之問禘不敢易其對而以為知其說者於天下國家如指諸掌由是後之儒者以禘為祭中之至大者而

必推尊其所以大之說故或以祖之所自出為天帝  
其意必謂郊明堂猶祀天禘大祭也豈止於祀祖而  
已乎又以禘為并祀羣廟之主其意必謂禘猶並祀  
羣廟禘大祭也豈止於祀祖及祖之所自出而已乎  
此二說者趙伯循楊信齋諸公闕之善矣至於大禘  
之外復有時禘則見於禮記左傳者具有明文而楊  
趙二公獨不以為然其意亦必謂禘大祭也不當復  
以此名時祭然不知禘亦大祭而亦有大禘時禘之

分則禘何害其為一名而二祭乎然則以禘為配  
天以禘為合祀羣祖以禘為非時享其意皆本於  
欲推尊禘祭之所以大而不欲小之故耳

按三年一禘五年一禘之說先儒林氏楊氏皆以為  
鄭康成因春秋文公二年有禘僖公八年有禘遂依  
約想像而立為此說蓋以魯僭亂之制定為周禮以  
誤後人然光武建武二十六年詔問張純禘禘之禮  
而純奏禮三年一禘五年一禘然則其說久矣蓋此

語出於緯書緯書起於元成之間而光武深信之當時國家典禮朝廷大事多取決焉故此制遂遵而行之康成蓋以漢禮為周禮非魯禮也

致堂胡氏曰禮記大傳曰禮不王不禘王者禘其祖之所自出以其祖配之諸侯及其太祖大夫士省於其若干祫其高祖是天子禘諸侯大夫士祫之正文也終大傳一篇無舛駁於聖王之教者此孔氏所傳也王制乃漢儒刺經為之出於孝文之世其言舛駁

於聖王之教多矣固非孔氏所傳也以義類考之禘  
祫皆合食也故君子曰禘其所自出之帝為東向之  
尊其餘合食於前此之謂禘諸侯無所自出之帝則  
於太祖廟合羣廟之主而食此之謂祫天子禘諸侯  
祫上下之殺也魯諸侯何以得禘成王追念周公  
有大勲勞於天下賜魯以天子禮樂使用之太廟上祀  
周公於是乎有禘所以春秋言禘不言祫也此稽大  
傳而折衷者也王制之文曰春禘夏禘又曰天子祫

禘祫嘗禘烝又曰諸侯禘一牲一祫又曰諸侯禘則不禘禘則不嘗其言紛錯淆亂莫可按據鄭氏不能辨正又曲為之說春禘夏禘乃夏殷祭名周則改之以禘為殷祭且王制所載六官之事皆周制也此惑於漢儒而不通禘義之一也又曰天子諸侯之喪畢合先君主於祖廟而祭之謂之祫此惑於漢儒不通祫義之二也又曰天子先祫而後時祭此惑於漢儒不通禘義之三也又曰魯禮三年喪畢而祫於太祖明

年春禘於羣廟此惑於漢儒不曉禘義之四也又  
曰禘殷祭也五年而再殷祭一禘一禘此又自叛其說  
不曉禘義之五也又曰諸侯禘歲不禘下天子此又  
不曉禘義之六也其釋大傳禘禘曰禘其所自出謂  
郊天也此又斷以己意不曉禘義之七也其失有七  
而未嘗折衷於孔子孔子曰魯之郊禘非禮也則知  
諸侯無禘而嘗禘天子無禘而有禘豈不明白而易  
知乎後世惟王制之信憑鄭氏所釋而不考祭法大



傳及孔子之言唐遂至夏禘冬禘始知其數而瀆也  
不亦失之遠乎天子諸侯之禮若一與二之辨豈可  
僭哉魯受成王之賜以臣僭君孔子已深非之况後  
世遵漢儒之謬以君用臣反不能知其失乎聖君監  
此則一言而決矣

禘禘辨

楊氏曰愚聞之師曰禘祭有二曾子問曰禘祭於祖  
則祝迎四廟之主王制曰天子禘嘗禘烝諸侯嘗禘

烝禘此時祭之禘也公羊傳曰毀廟之主陳於太祖  
未毀廟之主皆升合食於太祖此大禘合毀廟未毀廟  
之主而祭之者也禘祭惟有此二條此外無餘禮也  
漢儒之說又混禘禘而并言之何其紛紛多端耶馬  
融謂歲禘及壇墠禘及郊宗石室鄭玄謂禘則毀主  
未毀主皆合祭於太祖禘則惟太王王季以上遷主  
祭於后稷之廟文武以下若穆之遷主則祭文王之  
廟昭之遷主則祭武王之廟何休謂禘祭不及功臣

禘則功臣皆祭及論禘禘之歲月則皆援公羊五年再殷祭之說為據按禘祭年月份經無明文惟公羊文二年大事於太廟傳云大事者何大禘也五年而再殷祭夫殷祭乃大禘之祭也謂五年而再殷祭謂三年一禘五年再禘猶天道三年一閏五歲再閏也於禘祭乎何有漢儒乃援此以證禘禘相因之說為鄭康成之說則曰三年而禘五年而禘為徐邈之說則曰相去合三十月三十月而禘三十月而禘唐自睿

宗以後三年五年各自計年不相通數然至二十七年凡五禘七禘其年夏禘訖冬又當禘而禘禘同歲太常議曰今太廟禘禘各自數年兩歧俱下通計或比年頻合或同歲再序或一禘之後併為再禘或五年之內驟有三殷求於經禮頗為乖失國朝宗廟之祭三歲一禘以孟冬五年一禘以孟夏盖用鄭康成之說其後有司又言三年喪畢遇禘則禘遇禘則禘二說牴牾不可稽考慶厯初乃用徐邈之說每三十

月而一禘後又以二祭各不相因故熙寧八年既禘  
又禘竟無一定之論推原其所以然皆由混禘於禘  
而皆以為合食於太祖也夫既混禘於禘皆以為合  
食於太祖則禘禘無辨矣而又欲勉強穿鑿分別其  
所以不同此所以紛紛多端而莫之一也知禘者禘  
其祖之所自出不兼羣廟之主而惟以祖配之則禘  
與禘異不容混矣知大禘兼羣廟之主自太祖而下  
毀廟未毀廟之主皆合食於太祖矣又何壇墀與郊

宗石室之分乎又何太王季合食於后稷文武以下分昭穆各祭於文武二祧之分乎禘烝則功臣皆祭所謂祭於大烝是也誰謂合祭功臣不與享乎知禘禘之不同則鄭康成徐邈之說皆非矣其間相因不同之說皆無謂矣又何同異得失之足論乎

歷代禘禘

古者天子諸侯三年喪畢皆合先祖之神而享之以生有慶集之懽死亦備合食之禮因天道之成而設

袷禘之享皆合先祖之神而享之虞夏先王崩新王  
元年二年喪畢而袷三年春特禴夏特禘秋特嘗冬  
特烝四年春特禴夏袷秋袷嘗冬袷烝每間皆然  
以終其世商人先王崩新王二年喪畢而袷三年春  
特禘夏特禴秋特嘗冬特烝四年春特禘夏特禴秋  
袷嘗冬袷烝周制天子諸侯三年喪畢禫祭之後乃  
袷於太祖來年春禘於羣廟爾後五年再殷祭一禘  
一袷禘以夏袷以秋袷祭之禮太宗伯出高祖以下

木主守祧出先王先公祧主皆入太祖后稷廟中於室中之奧西壁下東面布太祖后稷之位尸在東北而太祖之子於席前之北南面為昭次昭之子在南方北面相對為穆以次而東孫與王父並列直至禰其尸各居木主之左凡七尸為九獻禘祭之禮一如禘祭所異者但祭毀廟以上不及親廟其神主按鄭康成禘禘志云太王王季以上遷主祭於后稷之廟其座位禘祭同文武以下遷主若穆之遷主祭於文



王之廟文王居室之與東面文王孫成王居文王之東而北面以下穆王直至親盡之主以次繼而東皆北面無昭主若昭之遷主祭於武王之廟武王亦居室之與東面其昭孫康王亦居武王之東北南面以次亦繼而東直至親盡之主無穆主也其尸位后稷廟中后稷尸一昭穆尸各一文王廟中文王尸一穆尸共一武王廟中武王尸一昭尸共一後漢光武建武二十六年詔問張純禘祫之禮不行幾年純奏舊

制三年一禘毀廟之主合食高廟存廟主未嘗合元  
始五年始行禘禮父為昭南向子為穆北向父子不  
並坐而孫從王父禘以夏四月夏陽氣在上陰氣在下  
故以正尊卑禘以冬十月五穀成熟物備禮成故骨  
肉合飲食今祖宗廟未定且合祭高廟遂以為常後  
以三年冬禘五年夏禘之時但就陳祭毀廟主而已  
謂之殷祭太祖東南惠文武元四帝為昭景宣二帝  
為穆惠景昭三帝非殷時不祭魏明帝太和四年六

月武宣皇后崩至六年三月有司以今年四月禘告  
王肅議曰按春秋魯閔公二年夏禘於莊公是時衰  
經之中至二十五日大祥便禘不復禫故譏其速也  
去四年六月武宣皇后崩二十六日晚葬除服即吉  
四時之祭皆親行事今當計始除服日數當如禮須  
至禫月乃禘東晉升平五年五月穆帝崩十月殷祭  
興寧三年二月哀皇帝崩明年大和元年五月皇  
后庾氏崩十月殷祭太元二十一年十月應殷祭其

九月孝武崩至隆安二年國家大吉乃殷祭元興三年夏應殷祭太常博士徐乾等議應用孟秋進用孟冬時安帝義熙三年當殷祭御史中丞范泰議以章后喪未一周不應殷祠時從太常劉瑾議小君之喪不以廢大禮往元興三年四月不得殷祀進用十月若計常限今當用冬若更起端則應四月時尚書奏從領司徒王謚議反初四月為殷祠之始徐邈議禘三時皆可者蓋喪終則吉而禘服終無常故禘隨所

過惟春不禘故曰特禘非殷祭常也宋制殷祭皆即吉乃行文帝元嘉六年祠部定十月三日殷祭十三丞禮孝武大明七年二月有司奏四月應殷祠若事中未得用孟秋詔從之梁武帝初用謝廣議三年一禘五年一禘謂之殷祭禘以夏禘以冬後魏孝文帝大和十三年詔曰鄭康成云天子祭園丘曰禘祭宗廟大祭亦曰禘三年一禘五年一禘禘則毀廟羣廟之主於太祖廟合而祭之禘則增及百官配食者審

諦而祭之魯禮三年喪畢而禘明年而禘圜丘宗廟  
大祭俱稱禘祭有兩禘明也王肅又云天子諸侯皆禘於  
宗廟非祭天之祭郊祀后稷不稱禘宗廟稱禘合一名也  
合祭故稱禘禘而審諦之故稱禘非兩祭之名三年一禘  
五年一禘總而互舉故稱五年再殷祭不言一禘一禘斷  
可知矣然以禘為一祭王義為長以圜丘為禘與宗廟大  
祭同名鄭義亦為當今互取鄭王二義禘禘并為一名從  
王禘是祭圜丘大祭之名上下同用從鄭永為定式北齊

延昌四年正月宣武帝崩孝明即位三月時議來秋七月應  
禘祭於太祖太常卿崔亮上言曰今宣武皇帝主雖入廟然  
祫嘗時猶別寢室至於禘祭宜存古典按禮三年喪畢禘於  
太祖明年春禘於羣廟又按杜元凱云卒哭而除三年喪畢  
而禘愚謂來秋七月禘祭應停宜待年終乃行禘禘從之唐  
前上元三年有司禘享於太祖廟時議者以禮緯三年一禘  
五年一禘公羊傳云五年而再殷祭兩義互文莫能斷太學  
博士史玄璨議曰按禮記正義列鄭康成禘禘志云春秋僖

公三十三年十二月薨文公二年八月丁卯大事於太廟公羊傳  
大事者何禘也是三年喪畢新君二年當禘明年春禘於羣  
廟僖公宣公八年皆有禘則後禘去前禘五年以此定之則  
新君二年禘三年禘自爾之後五年而再殷祭則六年當禘八  
年當禘又昭公十年齊歸薨至十三年喪畢當禘為平丘之  
會冬公如齊至十四年禘十五年禘傳云有事武宮是也  
至十八年禘二十年禘二十三年禘二十五年禘昭公二十  
五年有事於裏宮是也如上所云則禘後隔三年禘以後



隔二年禘此則有合禮經不違傳義自此禘祫之祭依璨議矣

宋制三年一祫以孟冬五年一禘以孟夏神宗熙寧八年太常禮院言已尊僖祖為太廟祖孟夏禘祭當正東向之位又言太廟禘祭神位已尊始祖居東向之位自順而下昭穆各以南北為序自今祫禘著為定禮高宗紹興二年祫享太常丞王晉奏曰僖祖非始封之君而尊為始祖太祖實創業之主而失於昭穆

其失自熙寧始宣祖當遷而不遷翼祖既遷而後祔其  
失自崇寧始臣愚乞定九廟之禮成一王之制自僖祖至於  
宣祖親盡之廟當遷自太宗至於哲宗昭穆之數已備是  
宜奉太祖主第一室永為始祖每歲告朔薦新止七廟三  
年一禘則太祖正東向位太宗仁宗神宗南向為昭真宗  
英宗哲宗北嚮為穆五年一禘則迎宣祖神主以太祖配焉

禘祭總考

通典古者天子諸侯三年喪畢皆合先祖之神而享之以

生有慶集之歡死亦應備合食之禮緣生以事死因天道之成而設禘祫之享皆合先祖之神而享之寔夏先王崩

新王元年二月喪畢而祫三年春特禘夏特禘秋特嘗

冬特烝四年春特禴夏祫禘秋祫嘗冬祫烝每間皆然以

終其代

高堂隆云喪以奇年畢則祫亦常在奇年偶年畢則祫亦常在偶年

殷先王崩新王二年

喪畢而祫三年春特禘夏特禴秋特嘗冬特烝四年春

特禘夏祫禴秋祫嘗冬祫烝

間歲奇偶如寔夏按殷改寔夏春禴曰禘又改禘為禴按鄭特

牲春禘秋嘗則殷祭

周制天子諸侯三年喪畢禫祭之後乃祫於太

祖來年春禘於羣廟

禘毀廟未毀廟皆升於太祖禘則不及親廟但文武以下毀主依昭穆於文武廟中

祭之王季以上於后稷廟祭之

爾後五年再殷祭一禘一祫

所以喪必有此祭禘者為後再殷之祭本

也喪畢之祫禘之本明年之禘禘之本

禘以夏祫以秋

崔靈思云禘以夏以審諦昭穆序列尊卑夏時陽在上陰在下

尊卑有序故大次第而祭之故禘者諦也弟也祫以秋者以合聚羣生其禮最大必秋時萬物成熟大合而乃祭之故祫也者合食之謂也

右楊氏祭禮只分大祫時祫為二而不言四代之制

且不言祫祭之時蓋以經無明文不敢臆說而通

典則備言之蓋通典取鄭康成所註禮記為說而

康成又約春秋所書為說大槩皆臆說是以先儒多

排之然自鄭註既行而後之有國者多本之以定宗廟之祭矣故具載通典所述而列諸儒之論于左

### 禘祫總論

趙氏曰王制春禘夏禘鄭註以為夏時禮祭統註謂夏殷禮祭義春禘秋嘗註以為春禘者夏殷禮周以禘為殷祭更名春祭曰祠郊特牲又註云禘當為禴夫禮記諸篇或孔門之末流弟子所撰或漢初諸儒私撰之以求購金皆約春秋為之見春秋禘於莊公

遂以為時祭之名見春秋惟兩度書禘

閏二年五月  
吉禘于莊公

僖公八年  
禘于太廟所以或謂之春祭或謂之夏祭各自著論不

相符會理可見也而鄭玄不達其意故註郊特牲云

禘當為禘祭義與郊特牲同祭統及王制則云此夏

殷時禮也且祭統云成王追念周公賜之重祭郊社

禘嘗是也何得云夏殷哉禮王制春秋諸侯禘則不

禘禘則不嘗嘗則不烝烝則不禴撰此篇者亦緣見

春秋中惟有禘烝嘗三禮謂魯惟行此三祭故云耳

若信如鄭註諸侯每歲皆朝即遠國往來須歷數時何獨廢一時而已又須往來嘗在道路如何守國理

民乎

鄭註虞夏之制諸侯歲朝廢一時祭

公羊傳五年而再殷祭大宗

伯註曰五年再殷祭一禘一禘又云禘禘俱殷祭禘則於太祖列羣廟之主禘則於文武廟各迎昭穆之主夫太廟之有禘祭象生有族食之義列昭穆齒尊卑今乃分昭穆各於一廟有何理哉若信有此理五廟七廟有虛主曾子問篇中何得不該蓋儒者無以

分別禘祫強生此義也僖公三十三年左氏傳曰烝嘗禘於廟蓋左氏見春秋經前後記祭惟有此烝嘗禘三種以為祭名盡于此但按經文不識經意所以云耳又昭公十五年禘于武宮二十五年禘于襄公定公時禘於僖公亦左氏見經書禘於莊公以為諸廟舍每祭故妄云禘於武宮僖宮襄宮皆妄泥禘文而說祭耳問者曰若謂禘非三年喪畢之殷祭則晉人云以寡君之未禘祭何也答曰此左氏之妄也左



氏見經文吉禘於莊公以為喪畢當禘而不知此本  
魯禮不可施於他國左氏亦自云魯有禘樂賓祭用  
之即明諸國無禘可知是左氏自相違背亦可見矣

林氏曰事有出於一時之陋見行之數千百載莫有

悟其非者良可歎也夫禘祫之說諸儒聚訟久矣論

年之先後則謂之先三而後五

鄭康成  
高堂隆

或謂先五而

後三

徐邈

辨祭之大小則或祫大於禘

鄭康成

或謂禘大

於祫

王肅

或謂一禘而二名禮無差隆

賈逵  
劉歆

又或謂禘

以夏不以春禘以秋不以冬矛盾相攻卒無定論此皆置而勿辨其可深責者始為私見陋說召諸儒之紛紛者其鄭氏之失歟鄭氏之說曰魯禮三年喪畢而禘於太祖明年春禘於羣廟自爾以後五年而再盛祭一禘一禘周禮廢絕久矣鄭氏何據而云為之說者曰周禮盡在魯鄭氏據春秋魯禮則周禮可知矣僖公薨文公即位二年秋八月大事於太廟大事禘也推此是三年喪畢而禘於太祖也明年春禘雖

無正文約僖公宣公八年皆有禘文可知蓋以文公  
二年禘則知僖宣二年亦皆可禘則明年是三年春  
禘四年三年六年秋禘是三年禘更加七年八年并  
前為五年禘故禘於羣廟也自後三年一禘五年一  
禘嗚呼鄭氏不知春秋固妄為此說後儒又不察因  
為所惑也當春秋時諸侯僭亂無復禮制魯之祭祀  
皆妄舉也諸侯而郊上帝禘始祖罪也大夫而旅泰  
山舞八佾罪也春秋常事不書其書者皆悖禮亂常

之事故書郊者九書禘者二與一大事一有事二烝  
二嘗之類無非記其非常俾後世以見其非奈何反  
以為周禮而足法乎使魯之祭祀如周之禮則春秋不  
書矣據僖公以三十二年冬十二月薨至文公二年  
秋八月喪制未畢未可以禘也而乃大事焉一惡也  
躋僖公二惡也彼有二惡春秋譏之鄭氏乃謂三年  
喪畢而禘於太祖者果禮耶又曰明年春禘經無三  
年禘祭之文何自知之徒約僖宣八年皆有禘而云愈

繆也魯之設祭何常之有聖人於其常又不書之何得約他公之年以足文公而見三年之禘與五年再殷祭乎使文公二年不因躋僖公則春秋不書大事使僖公八年不因用致夫人則春秋不書禘又何準耶况宣公八年經書有事於大廟則是常祭也而以為禘何耶誠為禘祭經不得謂之有事且閔公二年春秋書夏月吉禘於莊公是魯常以二年即禘矣何待三年與八年乎閔有禘文而不之據宣無禘文而

妄據之傳會可見也不然魯至僖公而始書三望豈  
他公皆不望乎至成公而後書魯用郊豈他公皆不  
郊乎桓公一歲而再烝十二公而止一嘗又何以爲  
法乎取亂世之典爲治世之制鄭氏豈知春秋哉區  
區一鄭氏不足責後世諸儒波蕩而從之遂使祀典  
咸所遵用益可悲也夫其論禘祫之制既繆至其言  
祭之時亦非矣春秋書有事於秋八月而彼以爲冬  
書閔公之禘於夏四月書僖公之禘於秋七月彼以

為夏既本魯禮以行祀典而又不用其時是自戾耶  
故曰事有出於一時之陋見行之數千百歲莫有悟  
其非者禘祫之說是也雖然魯禮誠非矣先王之制  
可得聞乎曰孟子之時不聞周禮之詳矣矧加秦火  
之酷乎夫子曰多聞闕疑鄭氏惟不知闕疑之理乃  
妄說以惑世况又效其尤耶故求之聖經禘祫之文  
不詳所可知者禘尊而祫卑矣禮不王不禘或問禘  
之說夫子答以不知譏魯僖僭也春秋之法所譏在

祭則書其祭名不然則否書郊書望禘則所譏在郊  
與望禘也若文公之祫則譏其短喪逆祀不在於祫  
故曰大事而已何者禘者禘其祖之所自出王者立  
始祖之廟未足以盡追遠尊先之意故又推祖所自  
之君而追祀之則謂之禘有虞氏夏后氏皆禘黃帝  
以其祖顓帝之所出也商人周人皆禘嚳以其祖契  
后稷之所出也禘天子之祭名諸侯無禘禮魯用之  
僭也若夫祫則合食而已毀廟未毀廟之主皆合食



於大祖非惟天子有禘諸侯亦得禘也詳二祭之名則禘尊而禘卑可謂明矣先儒據鄭氏說率以禘大於禘是以諸侯之祭加天子之祭可乎考之經籍禘禘文可知者此爾蓋其禮之大者至於年數之久遠祭時之先後則經無所據者學者當闕其疑不可據漢儒臆說也若世有聖君賢臣達禮之情觀時通變而為之制可矣何必膠柱而不知變乎苟徒以鄭氏之誤說魯人僭禮之典以為百代常行恐為後世知春

秋者笑也

楊氏曰自漢以來宗廟之禮不合古制者其失有二混禘祫為一事一失也輕廟而重原廟二失也其一曰禘祫之禮不同王者既立始祖之廟又推始祖所自出之帝而以始祖配之所謂禘也合羣廟之主於始祖之廟而設殷祭所謂祫也先儒皆知祫為殷祭矣而又兼以禘為殷祭其說何從始乎蓋自成王念周公有大勲勞賜以禘郊重祭聖人已嘆其非禮然魯

之有禘特祭於周公之廟而上及於文王以文王者  
周公之所出也其後閔公二年僭周禘禮行吉祭不  
於周公之廟而行之於莊公之宮而禘之禮始紊自  
僖公八年用禘禮合先祖叙昭穆用致夫人於廟而  
禘禮始與祫混淆而無別春秋常事不書特書閔公  
僖公兩禘者記失禮之始也文公二年大事於太廟  
躋僖公公羊傳曰大事者何大祫也謂大合毀廟未毀  
廟之主於太祖之廟而祭之也天子有祫諸侯亦有

禘於文公乎何譏譏其逆祀躋僖公也鄭康成乃謂  
禘禘皆為魯禮夫謂禘為魯禮也魯之有禘行於周  
公之廟已非禮矣况僭而行之於莊公之宮又禘於  
太廟以致妾母可以謂之禮乎禘宗廟之大祭也故  
惟禘禮為盛觀明堂位之言可知閔僖竊禘之盛禮  
以侈一時之美觀猶周公廟有八佾其後竊而用之  
於季氏之庭此聖人之所深惡也况三年喪畢而吉  
祭此禘祭也閔公喪未畢竊禘之盛禮以行吉祭合

先祖叙昭穆此禘禮也僖公竊禘之盛禮以致夫人  
禘禘之混自此始也鄭氏不能推本尋源以辨禘禘  
二禮之異正閔僖竊禘之罪以明春秋之意反取春  
秋之所深譏者以明先王禘禘之正禮又妄稱禘禘  
皆為殷祭三年一禘五年一禘二禮常相因並行且  
多為說以文之按鄭註王制及春官大司馬詩殷頌  
皆曰魯制三年喪畢而禘於太祖明年春禘於廟自  
爾以後五年而稱殷祭一禘一禘愚始讀鄭氏三註

意其必有昭然可據之實乃考其所自來則曰一裕  
一禘說出於春秋魯禮及緯書溺於緯書之偽而不  
悟其非此鄭氏之蔽或不足責也謂出於春秋魯禮  
者並無事實可證乃專取僖公之禘文公之裕二事  
穿鑿傳會以文致其說而已夫裕禘二禮其源各異  
本不相因僖公之禘未嘗因乎裕文公之裕未嘗關  
乎禘也今其說曰文公三年既有裕則僖公二年亦  
必有裕僖公八年既有禘則文公八年亦必有禘事

之本無既牽合影射以為有益欲明僖公之禘前有  
禘文公之禘後有禘以證一禘一禘之說而已此其  
妄一也夫既取僖公之禘文公之禘為證也又增宣  
公八年之禘以明之謂僖宣八年皆有禘考於春秋  
宣公八年有事於太廟未嘗有禘文乃鄭氏加虛詞  
以多其證此其妄二也文公二年公羊傳云五年而  
再殷祭所謂五年而再殷祭者謂三年一禘五年再  
禘猶天道三年一閏五年再閏也鄭氏乃引之以為

三年一禘五年一禘之證此其妄三也二年至八年相去凡七年與五年再殷祭之數不合也則為之說曰魯禮三年喪畢而禘於太祖明年春禘於羣廟自爾以後五年而再殷祭夫謂三年喪畢而禘於太祖可也明年春禘於羣廟何所據而為是說乎強添此事於五年再殷祭之前直欲以掩五年七年不合之數爾說者知其不可通則為之說曰喪畢之禘禘之本此其為說若巧矣惜乎其似是



而實非也此其妄四也且後世之所以信鄭氏者以其所據者春秋也而鄭氏所據乃是以無為有驚虛為實取閔僖僭竊之禮以明先王禘祫之正禮既三註其說於經又以此說推演為禘祫志註疏盈溢文不勝繁故觀者莫辨諸儒靡然而從之皆求其說於鄭氏之中未嘗以經而考其註之真偽也王肅最為不信鄭氏亦以禘為五年殷祭之名不亦誤乎自鄭氏之說立混禘於祫而禘之禮遂亡混祫於禘而祫之

禮亦紊夫禮不王不禘王者禘其祖之所自出見乎  
大傳見於小記見於喪服子夏傳非不甚明祭法首  
述虞夏殷周四代已行之禮又信而有證固有國家  
者所當講明而舉行也自漢以來世之儒者皆置之  
而不論其故何哉蓋後之言禘者皆求其說於三年  
一禘五年一禘之中而不求之於禘其祖之所自出  
皆由漢儒混禘於禘而遂至於不知有禘此禘禮之  
所由亡也可不惜哉漢儒既以禘禘皆為魯禮又以

禘同於殷祭於禘禘之本原已失之矣又欲尋流逐

末欲辨禘禘之名所以不同是故融謂禘大禘小

禘禘

主未毀主合於太廟禘惟毀  
主合食未毀則合祭於其廟

賈逵劉歆謂一祭二名

紛紛異同得失不能相遠最是鄭氏多為之說附經

而行其汨經為尤甚於是禘祭為禘所混歷代以來衆說

紛錯歲月先後拘牽纏繞而禘禮亦不可得其正是

禘之禮亦從此而紊矣故曰混禘禘為一事其失一也

又曰愚按鄭氏註王制春官大宗伯及詩殷頌皆云

魯禮三年喪畢而禘於太祖明年春禘於羣廟及註  
鬯人廟用脩又云始禘自饋食始信如是言則喪畢  
而有禘禘前又有禘自饋食始也以喪禮考之大祥  
禫皆有此祭猶是喪祭也喪畢則有吉祭未有喪畢  
既有吉祭之禘禘前又有吉祭之禘也自鄭氏註有  
此說魏卞后唐睿宗皆禫祭後有禘喪畢有禘明年  
春有禘國朝治平二年同知太常禮院呂夏卿亦建  
此議謂之小禘後之儒者意在尊信聖經不知經無

其文乃鄭氏說也若如疏家謂鄭氏用穀梁練為壞廟之說爾時木主新入廟禘之祭尤非也禘吉祭也練而遷廟之時遽行吉祭尤無是禮

馬氏曰按禘祫之制禮經無明文而漢儒之釋經者各以意言之其說莫詳於鄭氏而其支離亦莫甚於鄭氏故先儒皆以為不然如趙氏林氏楊氏之言辨析詳明已無餘蘊然其所詆訾者大槩有四三年一禘五年一禘一也混禘祫為一事二也以禘為喪服

即吉之祭三也以禘為時祭四也夫三年一祫五年一禘經無其文蓋緯書之說若混禘祫為一事則鄭氏據魯之僭禮妄作而以為周禮先儒言之詳矣至於以禘為喪服即吉之祭為非則愚以為王制言三年之喪不祭惟祭天地社稷為越紼而行事然則喪服未除宗廟之祭盡廢非特禘祫也左傳言祔而作主特祀於主烝嘗禘於廟然則喪服既除諸祭盡舉亦非特禘祫也以是觀之則鄭註所謂魯禮三年喪

畢而禘於太祖明年春禘於羣廟恐只是泛指喪畢則可以吉祭而言未見其即以禘祫為喪畢之祭也如喪畢之祭則禮謂之祫然左氏所謂特祀於主者先儒註釋以為祀新主於寢則不及羣廟也儀禮士虞禮載祫祭祝文云云則祫亦有告祭於廟之禮虞禮所云乃士禮若國家之禮則祫禘時享之外必別有祫祭之禮而經文無可考至魯之始以禘為祫而禮之失自此始矣先儒議康成之釋禘祫病其據魯

之失禮以為周禮然魯自以禘為祫而康成自謂三年喪畢祫於太祖則其意乃以祫為祫本不以禘為祫實未嘗專以魯為據也蓋祫者合祭也大祫則以已毀廟之主合於太祖廟祭之時祫則以未毀昭穆廟之主合於太祖而祭至於祫則亦是以奉新主合於舊主而祭之然則以祫訓祫祭亦未為不可而所謂明年春禘於羣廟則自是吉祭矣故愚以為康成所謂三年喪畢祫於太祖明年禘於羣廟本非據魯



禮而言未可深訾也特不當以春秋所書而逕推其  
禘祫之年則為無據而臆說耳若禘之又為時祭則  
王制天子祫禘諸侯禘一牲一祫之說左傳烝嘗禘  
於廟之說所載晉人言寡君未禘祀之說皆指時祭  
而言無緣皆妄蓋禘有二名有大禘之禘大傳所謂  
禮不王不禘王者禘其祖之所自出而以祖配之禮  
運所謂魯之郊禘非禮也是也有時禘之禘祭義所謂  
春禘秋嘗王制所謂天子祫禘諸侯禘一牲一祫是

也趙伯循必以禘為非時祭之名因不信鄭氏而并  
詆禮記左傳其意蓋謂禘只是大禘無所謂時禘然  
禘之名義它不及經見惟禮記詳言之耳趙氏所言  
亦是因不王不禘之說魯郊禘非禮之說見得禘為  
天子之大祀故不可以名時祭然大傳禮運禮記也  
王制祭義亦禮記也今所本者大傳禮運所詆者王  
制祭法是據禮記攻禮記也至於禘烝嘗於廟一語  
雖左氏所言然其所載昭公十五年禘於武宮又二

十五年禘於襄公定公八年禘於僖公襄公十六年  
晉人曰寡君之未禘祀則皆當時之事今趙氏皆以  
為左氏見經中書禘於莊公一事故於當時魯國及  
他國之祭祀皆以為大禘則其說尤不通矣安有魯  
國原無此祭晉人借為此言而鑿空妄說乎蓋魯伯  
禽嘗受郊禘之賜則魯國後來所行之禘其或為大  
禘或為時禘亦未可懸定至於左傳所謂烝嘗禘於  
廟晉人所謂寡君未禘祀則時祭之通行於天子諸

侯者非止魯國行之而已恐難儕之郊望而例以僭目之也

國朝大禘考

洪武七年八月御史答祿與權言古之王天下者既立始祖之廟又推始祖所自出之帝祀之於始祖之廟而以始祖配之故曰禘禘者大也王者之大祭也周祭太王為始祖推本后稷以為自出之帝今皇上受命七年矣而禘祭未舉宜命羣臣參酌古今而行

之以成一代之典事下禮部太常寺翰林院議以為  
虞夏商周世系明白其始所從出可得而推故禘禮  
可行漢唐以來世系無考莫能明其始祖所自出當  
時所謂禘祭不過禘祀禘主序昭穆而祭之乃古之大  
禘非禘也宋神宗嘗曰禘諦也莫知祖之所自出禘  
禮不可行也今國家既已追尊四廟而始祖之所自  
出者未有所考則於禘祭之禮似難舉行上是其議  
嘉靖十年三月敕諭朕惟太祖肇創洪圖奠清宇宙

掃除僭亂復我文明克享天心君臨億兆必自上世之積德乃出開天之元聖顧追報之禮未舉而昧幻之懷罔遂朕躬承祖鑒恭行大禘禮今孟夏之吉祀始自出之祖於太廟奉皇祖配每逢辛丙之年一舉著為成範欽哉親撰祝文定擬神牌冠服陳設圖儀凡祭書神牌於太廟曰皇初祖神南向太祖配位西向

大禘典禮

嘉靖十五年羣臣請禘德祖上不從或曰禘顓頊上

亦不從曰可稱皇初祖帝神勿主名五歲一禘於太廟奉太祖配先一日中書官書皇初祖帝神牌位於太廟至日設太廟殿中祭畢燎牌位齋戒同大禘前三日上祭服於廟告祖行一獻禮用祝前二日太常寺光祿寺面奏省牲前一日太常寺博士捧祝版於文華殿上填御名訖博士捧安於神庫供奉前一日午中書於太廟恭書皇初祖牌內府以紙匣盛之御請安於御案前卓上陳設同禘皇初祖帝神正位南

向太祖配位西向太常寺卿捧皇初祖牌候上至安  
訖退是日上陞板輿由廟街門入至廟門西降輿導  
引官導上由廟左門入至戟門帷幙內具祭服出導  
引官導上由戟左門入由丹墀東至寢由左門入請  
太祖匱由太廟後門入至太祖座前太常堂官受匱  
上安皇初祖牌退安太祖主訖內贊對引官導上至  
制拜位典儀唱樂舞生就位執事官各司其事內贊  
奏就位典儀唱迎神奏樂內贊導上至皇初祖香案



前跪奏搢圭奏上香訖奏出圭導上至太祖香案前

奏跪搢圭奏上香訖奏出圭復位樂止奏四拜

傳贊同

典儀唱奠帛行初獻禮奏樂內贊導上至皇初祖前

奏搢圭獻爵訖出圭奏詣讀祝位樂暫止跪

傳贊梁官皆跪

贊讀祝訖樂復作奏俯伏興平身

傳贊同

內導贊上至

太祖前奏搢圭奏獻帛訖奏獻爵訖奏出圭奏復位

樂止典儀唱行亞獻禮行終獻禮奏樂內贊導上至

皇初祖前奏搢圭奏獻爵訖奏出圭導上至太祖前

儀奏復位樂止太常卿於中堂左西向立唱賜福胙

光祿卿捧福酒胙跪進於右內贊奏跪奏搢圭奏飲

福酒訖奏受胙奏出圭奏俯伏興平身奏四拜

傳贊同

典儀唱徹饌奏樂樂止典儀唱送神奏樂內贊奏四

拜

傳贊同

典儀唱讀祝官捧祝進帛各詣燎位奏樂上

退拜位之東立太常卿捧皇初祖神牌同捧祝帛官

出中門奏禮畢上詣太祖主捧至寢安訖拜畢上出

導引官導上至戟門帷幙內易祭服還宮祝文孝玄

孫嗣皇帝敢昭告於皇初祖帝神曰仰惟先祖肇我  
厥初發祥鍾靈啓我列位追慕德源敬茲報祭願來  
格斯奉太祖高皇帝配侑尚享

樂章迎神

元和

於維皇祖肇創丕基鍾祥有自曰本

先之奄有萬方作之君師追報宜隆以伸孝思瞻望  
稽首介我休禧

奠帛初獻

壽和

木有本兮水有源人本祖兮物本天思

報德兮禮奠先仰希鑒兮敢弗虔

亞獻

和仁

中觴載升於此瑤觥小孫奉前願歆其誠

樂舞在列庶職在廷祖鑒孔昭錫佑攸亨

終獻

和德

於維兮先祖延慶兮深高追報兮曷能三

進兮香醪

徹饌

和太

芬兮豆籩潔兮黍粢祖垂歆享徹乎敢遲

禮云告備以訖陳辭永裕後人億世丕而

送神


和永

禘祀兮具張佳氣兮鬱昂皇靈錫納兮喜

將一誠通兮萬載昌祈鑒佑兮天下康仰源仁浩德

今曷以重小孫頓首兮以望遙瞻冉冉兮聖靈皇皇

國初太廟祫祭圖



神主

神主

神主

符儀  
大書

御位

生樂

生舞

武陪奉官

協律郎

承傳

贊引

國朝弘治元年始建祧廟於寢殿後奉藏懿祖神主及儀物於中每歲暮復奉懿祖神座於正殿之左居熙祖之上行禘祭之禮國朝宗廟前殿後寢殿後有祧廟皆九楹各翼兩廡寢殿藏主如同堂異室之制祭出主於殿畢歸主於寢殿寢殿制高皇帝高皇后中宮文皇帝文皇后昭皇帝昭皇后章皇帝章皇后睿皇帝睿皇后敬皇帝敬皇后獻皇帝獻皇后毅皇帝毅皇后各神主叙列左右室皆南向祧廟藏德祖



玄皇帝后懿祖恒皇帝后熙祖裕皇帝后仁祖純皇  
帝后恭仁康定景皇帝貞惠安和景皇后不得入宗  
廟孝潔陳皇后未祔廟別殿祀焉立春特享皇帝祭  
太祖大臣八人祭諸帝內臣八人獻諸后立夏時禘  
太祖南向成祖北上於七宗東西相向立秋時禘  
如夏禮立冬時禘亦如之季冬中旬擇日大禘德祖  
懿祖熙祖仁祖太祖異室南向成祖仁宗英宗孝宗  
睿宗東叙西向宣宗憲宗武宗西叙東向成祖北向

如時禘皇帝獻德祖帝后大臣十二人分祭諸帝內  
臣十二人獻諸后

時饗統論

時享有特祭合享何也曰禮云君子以義處禮則祭  
不至於煩數以仁處禮則祭不至於疏怠悽愴發於  
霜露之既濡此所以有四時之享也然四時之享皆  
前期一日而省視祭之日禮交動乎上樂交動乎下  
自再裸以至九獻其禮非一舉自迎神以至送尸其

樂非一奏以一日而歷七廟則力因不足而強有力者亦莫善其事矣若日享一廟前祭視牲後祭又繹則彌月之間亦莫既其事故天子之禮春則犴祭夏秋冬則合享固各有攸當矣漢唐以來四時之祭一於合享何以言禮之中乎

祧廟世室

王者既立七世之廟矣自三昭三穆之數已盈而有升祔之主當入故議祧焉吳澂曰遠廟之主遷而藏

之也周禮小宗伯辨廟祧之昭穆守祧掌守先王先  
公之廟祧推此義則鄭氏以祧為超去之祧誤矣自  
三昭穆之數已盈而有功德之主當崇故議世室焉  
明堂位魯公武公之廟此文武世室者不毀之稱故  
劉歆曰宗無數且曰宗不在七廟數中苟有功德則  
宗之殷有三宗周公舉之以勸成王推此義則鄭氏  
謂文武不遷之廟在七廟內誤矣又以歆說考周共  
王之時稷為始祖武康穆為三昭文成昭為三穆猶

七廟也至懿王則共王升祔而文王當祧以有功德也乃立文世室於三穆之上而八廟始增至孝王則懿王升而武王當祧亦有功德也立世室於三昭之上而九廟始備蓋七廟者天子宗廟之常數親盡則祧者也禮也世室在七廟之外正以待有功德當祧而不可祧者初不限其數也義也自漢唐而下未有及祧廟而備九廟十一室甚者于陵旁立廟

漢元帝以前

三遷主並還西諸帝晉武時皆不深考於禮矣

祧廟世室總論

按宗廟之制殷周詳矣太祖之廟居中左昭三右穆三上更立世室以待中興有功德之君不在祧列昭穆之數已盡當議祧然後升於世室如商高宗周宣王是也我明太廟以奉太祖矣成祖而下列於昭穆數盡而祧則祀於文世室至武宗而絕世宗入承大統則武世室宜祀世宗若興獻皇帝則固當別立興獻帝一廟百世可以不遷使以兄弟之義而祔於孝

宗之廟則君臣之分不明而尊奉之心反失矣臣敢以鄙說附之

袷祧總論

禮曰萬物本乎天人本乎祖宗廟之祭所以報本追遠其始本出於恩故其意尚遠遠則有袷然服窮則親盡世遠則精爽寢疎於此而不為之節則汎而不切故其分尚嚴嚴則有祧二者實相為用也禮緯云唐立五廟王制云夏五廟

禮緯謂虞夏五廟

小記曰王者四

廟鄭玄因之王肅云天子七廟降殺以兩劉歆謂文武為世室不祧乃在昭穆之外韓愈范祖禹陳祥道輩皆因之質諸七廟觀德在商以前而宗無定數驗

諸太甲以下則歆之言是也

七廟之制有說所謂周之以七廟者以后稷始

封文王三分有二武王受命三廟不毀與親廟四而七韋玄成等之說也七者其正數可常數者宗不在數中苟有功德則宗之不可預為設數劉歆之說也朱熹以劉歆之說為是若從諸儒之說則王者不過立親廟四與太祖為五其與諸侯五廟何別裕之行乎况商書已云七世之廟則自昔有七廟矣裕之行於三時者為時裕惟合未毀之主  
行於四時則為時裕而惟未毀之主



祭公曰甸服日  
祭之言非矣

行於三年者為大禘則禘主咸在於

三年則為大禘而未毀之主  
已毀之主合祭於太祖之廟

其大禘者毛氏以為秋

張純以為冬揆之以物成享備之義則純之說似也

漢之制京國為廟百七十餘東漢合九室為一堂其  
繁簡殊絕至此漢儒去古未遠而禮從以失焉豈不  
可憾哉唐初之禘沿魏晉故習中虛而左右列代宗  
正位太祖遷獻懿二祖不得合食德宗時顏真卿請  
申孝尊先於是遷獻懿禘於廟後裴郁言其非李嶸

請藏於夾室裴樞請建石室於寢園柳冕請建別廟而張薦則請悉入昭穆仍虛東向之位其後獻懿竟遷而太祖東向二十年然後決而韓愈所謂祖以孫尊孫以祖屈者竟不之用其禮不足言也

唐德宗時顏真卿請

還獻祖廟裴柳等則請建於別室其後獻祖竟遷雖韓愈祖以孫尊孫以祖屈之言竟不之用甚至用釋氏孟盆之典者矣論禮之詳者莫如宋宋初昭穆未辨虛東

向位仁宗時趙良規請太祖東向王舉正等請依故事虛東向

宋仁宗時趙良規請太祖東向王舉正等則請依故事虛東向其後僖祖別廟雖程

朱功業孰大詘義仲恩之言終之  
不行甚至用道家焚脩之典者矣  
神宗當治平之末  
用張方平等議祧僖祖及熙寧間張衡等議復之司  
馬光輩皆以為不可而王安石主之於是僖位始正  
程頤嘗論之曰世謂僖祖無功業天下基本皆出於  
此其為功業孰大焉蓋舍大賢如司馬者而不必同  
從穿鑿如安石者而不為比祧之說至於是而始定  
焉高宗時董弅王普請太祖東向廖剛謂僖祖以下  
四主當遷別室祫則就享晏原復謂宜別廟異祭不

亂祫祭雖不果行而僖廟已為之一撼寧宗當紹熙之末用魯三復鄭僑等議始建別廟遷四主而太祖東向祫則先四祖而後太廟而朱熹則有議曰原

太祖始立親廟之心踐位行禮敬其所尊愛其所親

而後可以為孝

中庸踐其位行其禮奏其樂敬其所尊愛其所親事死如事生事亡如事

存孝之至也

且太祖太宗自為世室以冠羣廟則亦不待

東向然後為尊也故尊太祖以東向者為義奉僖祖

以東向者為恩

朱子曰尊太祖以東向為義奉僖祖以東向為恩斯道盡之矣義者

今日臣子之願恩者太祖當日之心與其誥恩以伸義孰若制義以伸恩故雖光宗榻前之命而詔不果下趙汝愚以宗室之賢相而義不肯從於是僖祖之廟祀始遷熙寧之正禮終失其後以度正彌災之言而不能回理宗遂事之惑也豈不亦大可憾哉今日以至孝之心行莫大之禮集公卿侍從文學二諫之臣羣議而後定一上而遂決蓋據程朱之說以德祖比稷契以太祖太宗比湯與文武而配天之享其尊

固在每歲暮大禘於三年之禮亦有加焉夫制禮而至於商周聖之至也論禮而至於程朱賢之大者也而我朝實兼有之真足以慰太祖在天之靈報德祖無窮之德而垂聖子神孫億萬年之法矣

皇明郊社聖廟三禮總叙

太祖勤民育物敬共明神博考經誼釐正祀典二丘始分而中合四廟先異而後同明堂肇於經我則郊焉而侑仁祖太公遺於漢寢我則廟焉而祔宗人有

其舉之至存佛老之官無可考矣寧缺禘嘗之義蓋  
其酌今古通幽明絕地天和上下時因而因或沿於  
七代時革而革可考於三殷秩秩乎撫世宜民神道  
設教不可以有加矣當是時議禮之臣李善長宋濂  
詹同陶安崔亮牛諒陶凱朱升樂鳳韶諸君子皆能  
尋則夷形取法萃渙條品式以授祠官雖損之益之  
未必盡復古先聖王之舊而仰贊聖猷一洗污俗凡  
其矯誣妖誕褻鄙侵黷竒袤巫覡諸不在祀典者莫

不峻制而曲防之豈非永清之績烈於九黎裴常之功艱於二正時與勢然乎必欲資三禮於四嶽俟兩生於百年迂遠而閤於事情矣列聖欽承式遵成憲建文撤仁祖而郊高皇仁宗因高皇而進成祖迨至憲宗升祔有祧寢之議孝宗登饗有奉慈之議情文恩義固有不得不然也其他稍有注措不過微文細故之間而已世宗皇帝天德高明聖學純邃孜孜三重休洽百神郊禘廟祧社稷禱雩帝王聖師雲雨風



雷嶽鎮海瀆農蠶醫牧老君仙子山公水伯司舟宗  
匠靡神不舉商宗彤日徒云豐昵周王雲漢僅爾彌  
災孰若世宗皇帝發九世之積德而垂萬祀之常經  
也嗚呼盛矣

奉先殿

太常寺

國家有太廟以象外朝有奉先殿以象內朝殿九室  
如廟制凡祀方丘朝日夕月冊封告祭及忌祭在焉  
餘皆於太廟行之其祭品及日獻膳月薦新皆光祿

司具其事嘉靖初聖旦中元冬至歲暮俱告祭十五年罷中元祭十八年罷忌祭祭高帝后於景神殿列帝后於永孝陵二十四年仍於奉先殿隆慶元年祭孝烈於弘孝殿孝恪皇太后孝懿皇后於神霄殿承天又有隆慶殿奉獻皇帝后初獻皇帝未祠廟別立奉先殿奉慈殿左太常寺奉先殿右孝宗生母孝穆紀太后也不得附太廟奉先殿孝宗即位初作慈奉殿別祀太后已而憲宗生母孝肅周太皇太后世宗生祖母孝惠邵太

后皆祀殿中孝肅中室孝穆孝惠在右室主書皇太后太皇太后歲享薦如太廟奉先殿嘉靖十五年上諭禮官曰廟中帝配一后陵附塋乃有二三后廟祀陵祀本不同奉慈三后主既不得祔廟又不祔陵殿近於黜者非親之也禮官遂請奉孝肅於裕陵孝穆孝惠於茂陵殿上又曰皇太后太皇太后本子孫尊稱稱睿皇后純皇后又嫌於適改主題皇后不得書帝謚罷奉慈享薦禮

太廟從祀功臣

商盤庚之誥曰茲予大饗於先王爾祖其從饗之及  
洛誥亦曰記功宗以功作元祀而後知先王之用情  
於其臣也然其制見於周而其議見於高堂隆任茂  
唐之可考者淮安靖王神通梁文昭公房玄齡而下  
距太尉李愬凡三十二人宋之可考者韓忠獻王趙  
普濟陽武惠王曹彬而下距丞相葛邲凡二十四人  
我高皇定鼎念諸功臣之烈建太廟首以李韓公善

長等六公及胡越公大海等從饗最後韓公坐嬾死而六公亦間不得與逮永樂而始定自中山開平二王而下距永義侯世傑凡六王五公一侯十二人從文皇祀者至洪熙而定文武臣惟河間王玉東平王能寧國公真榮國公廣孝凡四王公至世宗首上太祖徽號後上文皇帝祖號又米禮官言進誠意伯從祀太祖位六王下而以僧故斥廣孝使祀大興隆寺尋用翊國公勛請進其祖營國公英獨仁宣而後寥

寥無聞夫承平之世先文德而後武功今列聖丕承  
宣明治道章章著隆矣忍使萬世之後謂明有君而  
無臣不得比於唐高宋真之季耶論者謂如楊文貞  
李文達商文毅劉文清楊文忠之賢於輔而不得從  
蹇忠義王忠肅王端毅馬端肅之賢於銓而不得從  
于肅愍之賢於樞而不得從張定興輔之下南交朱  
宣平永之八佩將印皆位太師握環衛為心膂爪牙  
而不得從此朝廷所當博諮而精覆以進配列君者

也高帝諸功臣而下猶有說焉若李韓公之佐開創  
不下鄴侯雖以嫌死帝尚為之諱若馮宋公勝之佐  
大將軍取中原下秦隴降納罕出二十萬之衆傅頴  
公友德之從大將軍取山東其平蜀功冠諸徹侯而  
開滇南二百年之地惜其終於帝之末遘革除之變  
而未有舉也縱不得從太廟祀亦宜別祀於鄉隆其  
贈諡而錄其後亦天下人心之公論歟

宗廟祀典議

夫天子七廟古未有也其起於三王之家天下乎記  
曰有虞氏五廟夏因之無所據也商七廟見商書也  
書曰七世之廟可以觀德蓋伊尹告太甲之言當其  
時商始一再傳也而七廟之制已具因夏禮也官天  
下者始祖與四親止五廟家天下者傳世既多則有  
祧祖有不祧之祖此七廟所由制而三代不能易也  
然則祭法稱天子七廟諸侯五大夫三士一庶人祭  
於寢然乎曰其稱廟數是也謂大夫士以下不得祭



其高祖非也孔子曰周公成文武之德追王太王王季上祀先公以天子之禮斯禮也達乎諸侯大夫及士庶人此其彰彰著者也漢唐以來士大夫過信其說歷數千年不敢祭其祖甚矣漢儒之誤人也然則鄭玄所解昭穆世室在七廟之內而王肅駁之謂七廟及乎五世六世無服之祖孰是乎曰玄之解是也必如肅駁則世室不在三昭三穆之中而周制有九廟矣九廟之制三代之盛未之有也且聞親未盡則

祭雖士庶人不可及也親盡則止雖天子不可過也孟子曰君子之澤五世而斬小人之澤五世而斬此其證也而說者謂天子有五服外之殤則當有五世無服之祖不知暮之喪已絕於諸侯豈天子而有五服外之殤乎若謂天子之祭自當別於士庶則有大禘大禘之謂而非四親之謂也我太祖初建四廟定享禮未幾又建太廟為同堂異室之制此猶草創之初也迨世宗皇帝倣古禮創九廟始正太祖南面

之位而定成祖世室之享歲時序昭穆之分可謂大  
聖人之作為矣惜當時儒臣考禮未精不能無失其  
一曰德祖當遷而祧之名稍遽也其二曰三昭三穆  
不當在世室之外而襲唐宋之陋規也何以明其然  
德祖乃大祖所立蓋嘗正位南面矣即不得比稷契  
為商周之始祖而亦未易以議祧若曰仍其原廟而  
更為太廟以尊太祖則可耳然則仁祖之祧亦非歟  
曰其失自此始也當太祖時郊祀嘗以仁祖配天矣

孰謂配天之祖而可祧也豈惟二祖即四親之廟皆不可祧也雖然業已祧矣將如之何曰今之祧廟在寢殿後仍之而更其額為原廟可也太祖以後有應祧之祖則當附於寢廟之夾室而不同於四祖四祖者太祖所立也如何而可以下同於子孫耶然又不可別廟即以今廟改題亦猶今孔廟有啓聖先賢廟之意也每祭必先原廟而後太祖禮有隆殺祭無遠邇四祖之心安則太祖之心亦安也乃若九廟之是

非則五世而斬之說已詳要之而昭廟不祧之主則歸之昭世室而穆廟不祧之主則歸之穆世室是即三昭三穆與太祖之廟而七也若謂總世室四親與太祖之廟不止於七世則太祖與三昭三穆亦豈止於七世哉書稱觀德之義舉其槩則然耳臣故曰三昭三穆當在世室之內也然則今日同堂異室亦有可議者乎曰有昭穆之位未正也禘祫之義無聞也何以言昭穆之位未正也父子異昭穆兄弟昭穆同

禮也昭穆以父同別而不以傳位為世禮也是故孝  
睿二廟一世者也五世祖為英廟六世祖為宣廟必  
如王肅所言七廟則宣廟尚在未祧之列若如鄭玄  
所言七廟則英廟亦在所祧之中是在皇上親裁而  
獨斷之徇乎情必違乎禮合乎古必遺乎今七廟九  
廟同堂異室之未定猶可言也昭穆世次之未正不  
可言也是故九廟七廟則二廟一世者當同廟而異  
室為同堂異室則二廟一世者當同坐而異位此不

易之典卽唐宋以來未有繆誤如今之甚者也是故不可不正也何以言禘祫之義無聞也曰禮有時禘時祫大禘大祫大祫三年諸侯所同也大禘五年天子所獨也時禘時祫非所論於貴賤也今大祫之祭行於歲除則猶時祫也大禘之祭擬於丙辛孟夏止嘉靖間一行而罷則無大禘也大禘不行猶以不得初祖為解當宋時君臣嘗有譖系不明大禘可罷之說猶有可通者至於舉大祫而棄之則何以示等威之別

而備一王之典此所未解也必也時禘止於祫廟而以太祖居中成祖以下昭穆之次其親王在兩壁功臣在兩廡各得配享至於大禘則虛東向之位以居初祖而配之者止於太祖一位庶幾屈伸之義適均而幽明之情兩暢上可以存帝王之禮下可以立臣民之極近可以稱繼述之善遠可以垂典則之光然此非仁人孝子之至則未易知即知而未易行此孔子所謂知其說者之於天下其如示諸掌此之謂也



是故不可以不舉也或曰國朝有大禮至今遺論焉  
建文君之革除也景皇帝之削號也獻皇帝之祔廟  
也其當日亦既詳乎其議矣而終無以服天下之心  
塞忠義之口何也曰固然也是當時儒臣之失也方  
建文君之遜國也誤以為自焚矣成祖問葬禮于侍  
講王景景對曰當葬以天子之禮遣官致祭輟朝三  
日何者痛其非有亡國之罪也他日成祖又曰吾之  
來效周公輔成王耳夫成王賢主也其生也有成王

之賢其沒也享天子之塋使當時廷臣執事以諍必有以開悟聖心塋以天子則又祭以天子有一日之成王則有一日之年號廟祀國史焉得而廢之今者廟祀已矣世代祧矣可以無議矣惟是年號當復一向因仍無以體成祖厚塋不忍之心成國家一代光明之治故曰儒臣之失也方英廟之復辟也欽天監奉革除景泰年號上曰朕心有所不忍仍舊書之至憲宗皇帝明諭羣臣曰朕叔踐阼戡難保邦奠安宗

社亦既有年姦臣讒構請去帝號先帝尋知枉誣深  
懷悔恨以次抵法朕承大統用成先志遂上尊諡我  
憲宗善承先德使當時廷臣以廟祀為請宜無有不  
從者卒使戡難保邦之主曾不得享太廟一席之榮  
故曰儒臣之失也惟獻皇帝祔廟之說則稍異於是  
其初也廷臣昧於繼嗣繼統之義執之太堅其終也  
忽於源流本支之旨說之未暢是故祔廟未可言非  
也置之武廟之右不無臣先其君之嫌則當時議禮

之未精而諸臣有以激之也蓋祭尚感通情貴聯屬  
稍有間格則無由感召自孝宗而武宗乃一體也自  
武宗而世宗有間也若睿宗正當聯屬於父子兄弟  
之間而相與於一堂之上者也是故如九廟七廟之  
制則當與孝廟同堂而侍坐如同堂異室之制則當  
與孝廟同坐而讓席在朝廷不失生前君臣之禮在  
宗廟正得世次昭穆之倫以祔廟既見其尊雖祔享  
不見其屈仁人孝子宜無有不安者矣乃迎合者但

知順承而矯枉者又不免大過皆未深考於禮耳故  
曰亦儒臣之失也去此三失以復古禮妥祖宗之靈  
舒忠義之氣只在轉移之間耳

宗廟制義昭穆禘祫廟寢祭享總論

竊惟宗廟之制議者紛紜自漢以下迄無定見大抵  
惑於世儒附會之言而不本聖人制禮之意故雖英  
君誼辟毅然欲定典禮亦無從而取正也何則聖人  
之制廟祀有三大義焉親親也尊尊也賢賢也古之

有天下國家者皆特立四親廟以時祀高曾祖考之親所以親親也五世之上親盡當祧而受命為天子與始祖為諸侯者則為百世不遷之祖而廟為獨尊太祖而下嘗為君者不論世遠近皆歲一合食於太祖之廟非為君者不得與焉所以尊尊也太祖以上世代遼遠不能悉祀則擇其有功德者特存其廟至大享而以太祖配之則謂之禘禘者審諦之義蓋審其功德也自太祖以下親盡當祧而有功德者為百

世不遷之宗亦特廟以祀之所以賢賢也

此一段發親親尊尊

賢賢三大義為一篇綱領

親親之恩無分於貴賤故孟子言三年

之喪棺槨之度皆曰自天子以至於庶人以其無異情也又謂君子小人之澤皆五世而斬則高曾祖考之親人豈有異哉特以戰國諸儒附會古義穀梁則曰天子七廟諸侯五大夫三士二其徒荀况傳聞師說則曰有天下者事七世有一國者事五世有五乘之地者事三世有三乘之地者事二世持手而食者

不得立宗廟至漢儒孔安國撰次家語則曰天子立七廟三昭三穆與太祖之廟而七有一壇一墀曰考廟曰王考廟曰皇考廟曰顯考廟曰祖考廟皆月祭之遠廟為祧有二享嘗乃止去祧為壇去壇為墀壇有禱焉祭之無禱乃止去壇為鬼諸侯立五廟二昭二穆與太祖之廟而五有一壇一墀曰考廟曰王考廟曰皇考廟皆月祭之顯考廟祖考廟享嘗乃止去祖為壇去壇為墀有禱焉祭之無禱乃止去壇為



鬼大夫立三廟一昭一穆與太祖之廟而三有一壇  
考廟月祭王考廟皇考廟為始祖廟享嘗乃止顯考  
廟有禱焉為壇祭之去壇為鬼適士二廟有一壇曰  
考廟曰王考廟享嘗乃止皇考無廟有禱焉為壇祭  
之去壇為鬼官師一廟曰考廟王考無廟而祭之庶  
人無廟死曰鬼夫謂祖考廟者太祖也顯考廟者高  
祖也皇考廟者曾祖也王考廟者祖也考廟者父也  
祧者超然遠去之意遠祖皆謂之祧此言二祧者特

舉高祖之父及祖以足三昭三穆與太祖而為七廟  
及戴記纂輯王制祭法二篇蓋皆剽竊家語之文分  
析而互載之人皆以為古禮矣而其傳實自穀梁始  
原其本意蓋謂德厚者流光德薄者流卑名位不同  
禮亦異數故自上以下降殺以兩殊不知天子至於  
庶人所以別等威者惟在器物牲牢裸獻樂舞之數  
而已故天子諸侯能備羣廟則各專一廟可也大夫  
士不能備羣廟則止一廟而為同堂異室之制可也

有始祖而義得立廟者則別立一廟可也庶人無廟而祭於寢亦必為藏主之室可也此於貴賤之等亦自有差豈必五世之上復有加親哉夫天親一本安得異之故曰自天子以至於庶人一也及澤窮親盡則恩自降衰雖孝子慈孫於至情不能有所強而聖人制禮不能不為之節度但謂降殺以兩則大夫之高祖適士之曾祖官師與庶人之父皆不得與於時祭於人心安乎春秋書震夷伯之廟觀其別立一廟

必大夫始基之祖非語所謂皇考也即此可以見世  
儒附會之言不合於禮矣其曰德厚流光德薄流卑  
止可為祖功宗德百世不遷者發耳乃以天親分厚  
薄奚可哉故漢元帝時韋玄成等之議皆主四親廟  
之說亦有所據喪服小記曰王者立四廟此其本旨也又  
按禮緯云唐虞五廟親廟四始祖廟一夏四廟至子孫五  
殷五廟至子孫六周五廟至子孫七鄭玄註釋禮經悉本  
此意孔疏亦云夏無太祖宗禹而已則五廟殷人祖契

而宗湯則六廟周尊后稷宗文王武王則七廟此雖  
出於緯書然四親廟之云有合於喪服小記亦足以  
見古禮殘闕之餘猶有可考第緣哀帝以旁支入繼  
大統羣臣請定迭毀之火時劉歆據三昭三穆與太  
祖而七之文悉改韋玄成之議乃以天子七廟為常  
數而其為說又不論高曾祖考一本之親止序為君  
之次故史皇孫宣帝之父也而不列於考廟夫宣帝入  
繼大統在昭帝晏駕之後與素養宮中先定父子之

名者不同乃槩謂為人後者為之子而廢私親豈禮也哉自班固以歆說為是而王肅遂作聖證論以難鄭玄然馬昭猶或非之未遽得為定論也至於朱子以名世大儒折衷衆說有取於歆於是人皆尊信無復致疑而四親情義若可略要其取證亦本聖經蓋商書有七世之廟可以觀德之一言故也然七世之廟本對萬夫之長伊尹訓太甲以觀德政必非泛言者萬夫之長蓋指湯也則七世之廟必指太甲以上

七世有功德者之一君矣豈謂廟以七世為常數哉  
今以太甲時世次計之外丙仲壬皆太丁之子而太  
甲之兄也以其嫡長故相繼先立趙氏以為皆太丁  
弟則與子之世不應舍太甲而立之孟子曰外丙二  
年仲壬四年指其在位之年也程子之謂湯崩時外  
丙方二歲仲壬方四歲則皆無服之殤何足紀列且  
二歲者不應序於四歲者之上其為已成君明矣此  
兄弟之世未遽別為世數者也自外丙仲壬而上則

太丁者太甲之父一世也成湯者太甲之祖二世也  
主祭者太甲曾祖三世也主壬者太甲之高祖四世  
也自此以上世次皆止據世本史記所傳而二書又  
互有詳略其間世及後先或難盡信然自湯以前見  
於經而有德可宗者惟相土耳當七世者其必謂相  
土歟蓋五世六世既以親盡遞祧而此七世遠廟獨  
存如魯之伯禽諸君然則諸侯百世不遷之宗也苟  
舍相土而求七世之祖則惟可以語契矣然自契為



諸侯時言之則六世之後皆當立五世之廟而止未  
宜有七世之名也自成湯為天子時言之則自湯距  
契已十餘世亦不應七世止而况語於太甲時乎故  
曰七世之廟必指相土之一君也惟此義不明而後  
穀梁荀况及諸儒之言得以惑世矣故親廟以四禮  
之正也正統相傳父子為世復何議哉但有以弟而  
繼兄者有以兄而繼弟者有以從子而繼伯父者有  
以從孫而繼叔祖者有以叔而繼從子者有以叔祖

而繼從孫者所生私親固以高曾祖考為四廟矣其餘正統之君苟未親盡亦當列於世次不以四廟為限如太甲之時太丁未立而死廟宜為考外丙仲壬為兄嘗君天下豈得無廟哉又如漢宣時景帝武帝戾太子史皇孫當為四親廟而昭帝以叔祖為繼統之君廟亦宜列至其後世武帝之服未窮則昭帝之親未盡是亦四親之屬也知此則世之為廟議者可以不勞餘辯矣夫漢之諸廟略於四親禮皆未合惟

光武初為其高祖舂陵節侯曾祖鬱林太守祖鉅鹿  
都尉考南頓君立廟雒陽庶幾近之尋復奪於羣議  
立廟就園不親奉祀而以宣元成哀平五帝四世代  
為四親夫為宣元成哀平立廟固近於厚然與前所  
論先帝當為昭帝立廟者義實不同何也蓋昭帝在  
宣帝時親猶未盡而宣元成哀平在光武時則皆親  
盡也其親已盡則其廟當祧止可存有功德者為宗  
耳其餘不以禮節從何日為遞遷之期乎特廟雖毀

大禘猶存何背於禮哉惟有後者則勿毀可也蓋舜之受堯禪也其親廟必自瞽瞍以至高祖而堯之親廟則有丹朱以奉之舜不與焉禹之受舜禪也必自鯀以至於宗祖而舜之親廟則有商均以奉之禹不與焉其所以繼正統明大宗者惟藝祖文祖神祖如後世有功德之祖宗而已然則天子以天下養而宗廟饗之豈舍其父祖而不親哉故曰親廟以四禮之正也高祖祖考與太祖之廟而五數之常也其外繼

統之君親未盡者亦屬四親親盡而有功德者世世不毀此其可以常數拘之哉有一人焉則增一廟有十人焉則增十廟劉歆謂宗無數而舉殷三宗為證此但得其槩耳魯公諸侯之國伯禽而下尚有武公煬公桓公僖公四宮此雖未盡合於祖功宗德之正亦足以見古制常廟之外無定數也諸侯且然况天子乎夫太甲為太宗太戊為中宗武丁為高宗此歆所謂殷之三宗也然殷以契為始祖如前所謂相土

者已必有廟及受命而王如成湯者其功德特盛其餘書稱其德如祖乙盤庚祖甲皆賢聖之君亦宜不毀豈得以其稱宗之文不經見而遽以殷三宗為定論哉若鄭玄以周文武二祧為不毀猶歆說也夫周既祖后稷則自文王而上為諸侯如積功累仁之公劉太王王季其功德不下於相土自武王而下為天子者如致治之成王不下於太甲中興之宣王不下於武丁而謂不毀之廟止於文武二祧又惡得而盡

通乎且文武二祧當時但謂之廟如詩所謂於穆清廟是也或以為文武二世室者亦禮家之附會耳蓋明堂位曰魯公之廟文世室也武公之廟武世室也考之春秋武公煬公桓公僖公皆止稱宮魯公伯禽亦不應獨有世室之稱也所謂世室屋壞者蓋指祧主所藏之處也古者祧主未瘞之前雖其世在太祖之上必別有一屋以安神主而世世藏之各一室焉此以同堂異室為義非一人之稱故不曰某宮某廟

而曰世室屋也禮家以為祧主藏於太廟左右夾室者非矣苟藏於此則祭有不及祧主之時其祝號笙磬之聲豈不徹於一壁之外何以妥遠祖之靈乎周禮有先公之祧先王之祧是祧以世分先後不以室分左右也况魯之宮廟既有定名不應別出一世室而所壞者伯禽一室又不應不以世舉就如其說室亦豈宜止於文武哉大抵祖功宗德禮亦宜周孝子慈孫本不欲擇其祖考而事之特以服窮親殺則義



有攸重耳人臣有勞於國猶當列其祀典况功德之

祖宗而可略乎此蓋賢賢之義而說禮者或未盡也

此一段明親親之義中間詳論五廟七廟及世室而互見賢賢之義惟當祫祭而毀廟

未毀廟之主皆祫食於太祖之廟則尊序為君之次

所重在君道而私親不可混於君齊聖不可加於父

故魯文公時夏公弗忌升僖公閔公之上君子以

為失禮漢光武時張純等言禘祫高廟陳叙昭穆而

春陵四世君臣並列以卑並尊不合禮意正以明尊

尊之義而親親賢賢皆弗論矣

此一段明尊尊之義

禘所不及

則有禘焉喪服小記及大傳皆曰禮不王不禘王者禘其祖之所自出以其祖配之此禘之本旨也禘以審諦功德則祖所自出凡有德者皆不可廢豈但專指一人哉祭法曰虞夏禘黃帝殷周禘嚳則其說本於國語蓋亦戰國諸儒之臆見耳夫五帝與賢之世也國語乃謂虞夏皆祖顓頊而與堯同出於黃帝則一姓相傳事屬與子云禘黃帝以近於誣矣殷周禘

嘗此何謂哉蓋舜禹起自匹夫本有所受所謂藝祖  
文祖神宗蓋即黃帝顓頊帝嚳及舜諸帝相繼傳賢  
者意其祭必有合如後世祀古帝王然而立一配主  
也此即禘之所由起歟殷周時猶存此祭蓋繼帝王  
之統也世儒誤析黃帝與嚳為二禘耳而不知湯武  
之興王業由於稷契以下累世積德則又別有所自  
出之帝而湯武為受命之祖以配矣鄭玄但見稷契  
之生不因人道之感也又以韋玄成有祭天祖配之

說遂謂始祖感天神而生祭則以祖配之是以禘為祭感生帝也郊天之外又有禘帝一祭則繆妄支離而於經無據趙伯循求其說而不得又謂王者追祭始祖所自出之帝則如前所謂周禘帝饗者義非所安皆未可以為定論也張純則以禘為諦諱昭穆尊卑王肅亦謂禘祫殷祭羣主皆合夫殷祭大祭也程子因之遂謂天子曰禘諸侯曰祫胡康侯又發明其意曰禘者所自出之帝為東向之尊其餘合食於前

此之謂禘諸侯無所出之帝則止於太祖廟合羣廟之主而食此之謂祫上下之殺也此與趙說雖小異然以所自出者為帝則亦本於國語而言也又配不以受命之王而盡及其上世之為諸侯者則幾於無節矣聖人制禮欲使萬世可行夫既受命而王則四方來朝者必於其廟故當湯武受命之初其祭稷契以下諸祖常如其舊未宜有所擇也王其子孫遂當祖其受命之主而遠祖之親盡者則已去為壇墠有

禱則祭斯已矣雖欲比於世王例享大祭則天下人心趨向已意理亦安通行哉故夏祖大禹不聞其父  
鯀及其曾祖昌意與大享於後世也惟其有功德而不毀者則當禘於所世之祖廟而以受命之祖配之  
蓋禘所不及而有禘賢賢之義如此觀長發之詩小序曰大禘也而述契及相土以至於湯是審諦其賢  
君而以湯配也湯所自出之祖皆賢君則禘之為義有取於此矣或以為大禘之詩則語意全無及羣廟

者信乎其為殷禘也以殷例周則自后稷以下特舉  
公劉太王王季文王合祀於后稷之廟而以武王配  
之義可推矣故自民所信從而言則當以受命之王  
為始祖自德及於遠而言則始祖之所自出雖以配  
帝配天可也而禘又安可略乎故禘者天子之大祭  
也諸侯則不可以祖天子故曰不王不禘然先代之  
後得以脩其禮物者亦宜有禘如宋祖微子則宜禘  
湯亦王禘之義也左傳誤信帝乙為微子父乃曰宋

祖帝乙此與鄭祖厲王義同則非禮矣夫鄭之祖厲王也豈以鄭伯始封得祭四親如父為天子子為士則祭以士之義而後世因存其廟歟左氏於魯言周廟蓋指文王廟也杜預註曰周公出文王魯得立廟則亦鄭祖厲王之失也然魯祖周公實無文王廟故僖公禘於太廟禘文王也太廟周公廟也禘文王而於周公之廟見文王無廟也文王無廟其主何居藏於世室也因此驗世室非不遷之宗而太廟之夾室



非藏祧主之處矣。文王親盡已祧，魯人未嘗敢祖，然而特舉以禘，亦見魯之賢文王矣。故禘者必審諦功德，所以賢賢也。知此則唐高祖始受天命，當為唐百世不遷之祖，而韓愈欲以獻祖為始祖，居東向之位者，非也。宋太祖始受天命，當為宋百世不遷之祖，而朱子欲以僖祖為始祖，居東向之位者，非也。獻僖二祖倘有功德，足以啓聖，則如稷契之特廟以祀，而大禘焉，亦何不可。不然，則絲及昌意親盡，則毀夏后氏

無所私焉孝子慈孫當以為法矣縱使旁支入繼大統於其私親禮不得合於祖廟苟有功德其後世亦

可別為廟祀倣禘行之則亦賢賢義起之禮也

此一段明

賢賢之義其間詳論禘禘親親也尊尊也賢賢也天下之大義也

聖人未有不以此治人者又安能外此以事神乎本此三者而又明於男女之閑昭穆之序寢廟之制祭

享之時而後可以言禮矣

此一段結上文而又發男女之閑昭穆之序廟寢之

制祭享之時四義以起下文是故羣廟之中各奉考妣二主所以

全其尊也古者吉祭男女共尸鋪筵同几神所安也  
雖之詩專祀文王一廟故曰既右烈考亦右文母若  
以施於禘祫則翁婦偶座相臨非生時之所安而可  
以此事死哉周禮大司樂有享先妣享先祖之別意  
蓋為此但以為此書者似皆不明禘祫之義故語亦  
疎略耳竊疑先公之祧當禘者惟男主附於后稷廟  
先王之祧當祫者惟男主附於武王廟女主皆不與  
焉而當祭之廟祖妣遷避於寢示男女不相雜是或

一道也故周公營雒邑特立文武廟以萃人心父子  
同廟蓋尊文王而武王配焉亦禘之義也而其廟無  
妣主斷可識矣故曰禘為遠祖女主可以無與祫序  
為君而亦不及於國母可乎曰統治者男事主乎男  
而已耳然則國母而賢將若之何曰擇其有功於內  
治者附於先妣別為一祀如禘之禮視男雖略焉可  
也朱子但有考妣同祫之說以為太祖東向則昭穆  
之南北向者當以西方為上昭之位次高祖西而妣

東祖西而妣東祖母與孫並列比於余正父以高祖  
東而妣西祖與孫婦並列者體雖稍順然婦翁終不  
免於偶坐相臨非事死如生之禮也况大祫又有與  
享之臣焉而可如是哉後世有以兄弟同室如晉武  
帝之於景文者則娣姒雜居非古者異宮之禮其失  
抑又甚矣此所謂明於男女之閑也

此一  
段明  
男女  
之閑

古之

祭者有堂事有室事有堂事之位太祖南向昭在東

西向穆在西東向室事之位太祖之位東向昭在北

南向穆在南北向此禮家之說也朱子之論昭穆則專主祫在太廟室中而言蓋太祖東向而南向者在北牖下取其向明而謂之昭北向者在南牖下取其深遠而謂之穆以朱子殿屋之說釋宮之文考之則東西五間南北五架而室止一間在北架下必非孔子定禮時之屋制也蓋自武王至於景王歷二十一世成王以下皆為君而當合食者也禮器曰周旅酬六尸并太祖一尸發爵已七尸矣此但言七廟若盡

二十四世則當為二十四尸禮數便蕃豈一日所能周哉每尸又有籩豆登鉶俎之設雖堂上之廣旁列數重猶慮其窄而况一室之小乎孔疏本王肅謂大祫多主而惟云六尸毀廟無尸但有主也趙德本三禮辨謂昭穆各用一尸其實太祖廟三尸則固已知其不通而強為之解矣尸以假福可統於尊精靈所屬神皆可依故禮男女共尸則尸不必備者也非異廟不異尸無羣聚一堂之禮烏用旅酬之六昭穆之

二哉且室之四壁廟主所藏即西南隅之奧而東向之尊也奧逼於南牖下雖北牖下稍寬中間所餘甚窄雖止用一尸若以鋪筵設几羣主盡遷則禮儀亦富詎能容乎竊意太室之內制必甚深不止二架而其衡長不止一間如孟子所謂臣室者而足以有容歟夫交神之道或以幽靜之中或於顯明之地故裸神在室接尸在堂饋醕在室肆將在堂禮各有所宜矣然堂事主於禮尸

遷主就尸亦暫時事非久居之位也

雖牲幣旅陳



分居左右亦昭穆之虛位耳朱子以此不足以明昭穆之義乃獨專於室中不為無見但此為北牖室中西北壁角有圓牕即屋漏也故禮陽厭於此謂之當室之白向之者亦得其明豈獨向南牖者可以謂之昭哉故昭穆者亦非謂室中之位次也且大裕之禮止列諸君兄不得加於弟故魯僖公不可先閔叔不得加於從子故周孝王不可以先懿而朱子則以其為君世次分昭穆本劉歆意也然此但可以行天子

諸侯而不可以行於士庶人豈天下之達道哉就以天子三昭三穆明之殷祖丁沒而叔沃甲之子南庚立南庚沒而祖丁之子陽甲盤庚小辛小乙皆相繼立則是兩世已周六廟而小乙之子武丁遂不得列其曾祖祖辛於世次矣以諸侯之二昭二穆者明之吳壽夢沒而子諸樊立諸樊沒而弟餘祭夷末皆相繼立則是兩世已周四廟而夷末之子僚遂不得列其曾祖去齊於世次矣晉賀循曰昭穆父子位也若

當兄弟旁滿輒毀上祖則祖位空懸世數不足正謂此也朱子又曰昭祔則穆不遷穆祔則昭不動皆劉歆之餘論而張璠輩亦以為說夫既以昭穆分居太祖左右自宜以尊卑為序時當昭主上遷明是以子先父安得以為各不相見而無嫌乎故陸佃非之曰昭穆者父子之號昭以明下為義穆以恭上為義方其為父則稱昭取其昭以明下也方其為子則稱穆取其穆以恭上也豈可膠哉壇立於右墀立於左以

周制言之則太王親盡去右壇而為墀王季親盡去左祧而為墀左右遷徙無嫌又曰顯考王考廟與左祧為昭皇考考廟右祧為穆又曰太祖之廟百世不遷三昭三穆親盡則迭毀如周以后稷為太祖王季為昭文王為穆武王為昭成王為穆康王為昭昭王為穆其後穆王入廟王季親盡而遷則文王宜居昭位武王宜居穆位成王昭王宜居昭位康王穆王宜居穆位所謂父昭子穆是也說者以昭常為昭穆常

為穆則尊卑失序夫佃以父子為昭穆其說良是顯  
考廟皇考廟王考廟考廟既有定名則親盡世遷廟  
以次進本自順序但狃於此說而并疑昭常為昭穆  
常為穆之言則不察於先王定昭穆之意矣蓋昭穆  
所以有常者本其生時之序列而言也列於左者為  
昭取陽明之義也列於右者為穆取陰晦之義也故  
父為昭子為穆孫為昭曾孫為穆玄孫為昭來孫為  
穆此列一定雖主於百世之久而不可以易所以孫

必從祖祔必以班而武王謂文王為穆考成王稱武  
王為昭考至其後世猶以管蔡邲霍為文之昭邾晉  
應韓為武之穆皆本其生時一定之列也蓋古之為  
治者最嚴宗法故制為昭穆以睦族別生昭與昭齒  
穆與穆齒使不相亂蓋自上古得姓以來未有改也  
如以太祖而下始序昭穆則太祖以上有祖焉昭穆  
又當何所始乎故廟或東或西主之或南或北皆非  
昭穆之名所由起而又何足論哉今不欲使兄弟之

世亂昭穆而序使父子得以迭稱充佃此說可以廢昭穆而不用矣於義何居而以顯考王考為昭皇考考廟為穆乎故凡言昭穆者以人定廟則可以廟定人則不可由是知古之立廟不必太祖居中而左為昭右為穆也晉孫毓曰宗廟之制外為都宮內各有寢廟別有門垣太祖在北左昭右穆差次而南其於規模則誠宏遠然恐非人情之所便也蓋四親廟祭必同日禮必親行而中隔太祖左右相懸則駿奔之

間勢亦難及意其或從古人上右之制皆以南向第  
為一列中有閣門以通往來則順而易達邇而易周  
行禮者不苦其難矣餘親之廟兄弟不可以同宮則  
別一列世室諸親不係於近親則又別為一列酌人  
情之便隨地勢之宜或在其前或在其後或在其左  
或在其右但主各自為尊不必限於一處也羣廟之  
立太祖獨尊蓋為功德非特為親意其為廟必近正  
朝以就臣庶是太祖之廟又宜在羣廟之四上矣太



祖也四親也世室也一定而不易餘親也諸宗也隨時而有加廟以類從位以義制此則所謂各全其尊而不嫌者奚必以太祖居中而定尊卑哉以魯諸廟觀焉武煬異世而立者也桓僖同日而災者也不知其為左昭右穆之次置於四親之上耶抑各列於別所也漢代猶為近古而每帝建廟各在一所雖未盡當得非禮意之僅存者歟苟如孫毓所云則都宮之地有限而增立之廟無常使毓適遇廟多之際亦何

以自處哉蓋惟昭穆之義隱而後世儒之說拘於此  
能通其變不尚空言則宋宣祖之主未遷而太祖已  
不失為祖故晉武帝欲虛位以待宣皇不為過也唐  
睿宗之世不混而中宗終不失為兄故晉賀循欲以  
別廟處惠帝不為過也又如魯無文王廟而其祧主  
藏於世室則必非周公之廟之上也父不與子順次  
而下為嫌則晉蔡謨欲為四府君毀主改築別室者  
亦不為過矣禮取於從宜而已烏在其以昭穆為列

哉此所謂明於昭穆之序也

此一設明昭穆之序

廟以容主為

限賀循之說也太祖之廟所以祫羣廟祖所自出之廟所以禘聖賢而先公先王之二世室所以藏祧主祖廟之祭非一筵世室之藏非一代其制不得不大四親餘親之廟與不遷之宗取於容考妣二主而已則其制可小矣廟之小者如朱子殿屋之說釋宮之文斯可矣而其大者則亦度其禘祫祧主之所當容而加廣焉作太廟正寢十四間東西儲各一間合十

六間宋脩太廟廣廟室為十八間亦取於容主焉耳  
故可以備而不備是為簡簡則褻祖不必崇而崇是  
為奢奢則傷民皆非權也故周禮祭僕言小喪服於  
小廟隸僕言大喪於小寢大寢鄭玄註云小廟高曾  
祖以下也始祖曰大廟又云小寢高祖以下廟之寢  
也始祖曰大寢此可見廟之有大小矣今即武丁時  
明之其父為小乙其祖為祖丁其曾祖為祖辛其高  
祖為祖乙當為四親沃甲為曾叔祖南庚為從叔祖

陽甲盤庚小辛皆為伯父此五君者親盡亦當有廟成湯為百世不遷之祖太甲太戊為百世不遷之宗契為所自出之祖相土為所自出之宗又有先王先公之二祧凡為廟者十有六夫二祖二祧其廟皆當大矣其餘宗親之廟尚有十二無所用於大者也使皆擴其規模槩窮壯麗以傷民力武丁豈忍為之故廟制不可以不備而亦不可以過崇惟在節於禮而已此所謂明於廟寢之制也

此一段明廟寢之制

祭有二節曰

時祭曰間祀時祭有四祠禴烝嘗是也間祀有三享  
嘗追享朝享是也春曰祠以其嗣歲也夏曰禴以其  
物薄也秋曰嘗以其穀成也冬曰烝以其物衆也享  
嘗亦秋嘗也朝享者禘也享嘗於不遷之廟行之故  
禮記有大嘗之名禘禘皆於冬烝之月行故周禮有  
大烝之名周公告祭文王廟於雒邑亦禘禮也而周  
書謂之烝祭歲則凡祭之行於秋冬二時者雖禘禘  
皆得用時祭之名也元豐禮文曰祠禴烝嘗之名春

夏則物未成而祭薄秋冬則物盛而祭備故經傳恒  
言禘嘗烝嘗而孔安國亦以烝嘗為大享是祭莫大  
於烝嘗而時以秋冬為善也若春夏二時百禮難洽  
非所以行大享也魯文公以禘行於建未之月閔公  
以禘行於建辰之月僖公則行於建午之月皆非冬  
月大烝也世儒據以證古此禘禘之時說者所以多  
誤歟禮時為大節在其中矣故祭義曰祭不欲數數  
則煩煩則不敬祭不欲疏疏則怠怠則志疎數得中

祭之節也蓋親之近者處禮以仁情有所不容已則必有四時之特祭故禴祠烝嘗於公先王謂近親也親之遠者處禮以義勢有所不能周則惟特一享嘗而止故雖周公皇祖不過秋而載嘗非以其遠乎近親雖不能疎然亦不可太數故時祭之外不必有所加也遠親雖不能數然亦不可太疏故一歲之中不可有所曠也家語於親廟有月祭以月祭為正祭則既煩矣於四親有享嘗而無時祭則又怠矣遠祖之



有禘禘尚有疏於一年一舉者乎皇氏曰虞夏禘祭  
每月皆為此說必有自矣緯書乃曰三年一禘五年  
一禘是本公羊五年再殷祭之說非聖人之正論也  
夫與於禘禘者雖皆遠祖然或以世傳之及或以德  
澤之存豈有一年而不得一享者哉又程子因見王  
制有天子牲禘禘禘嘗禘禘諸侯牲禘禘一牲一  
禘嘗禘禘禘之文遂以此禘為時禘而曰諸侯祠禴  
嘗禘之祭為廟禮煩故每年於四祭之中三祭合食

於祖廟惟春則祭諸廟夫王制之言多不可曉而章  
內禘禘二字為尤差誤蓋禘當為祠禘當為禱也程  
子不過緣文生義耳至胡康侯於春秋宣公有事太  
廟釋曰有事者時事則以為時禘矣春秋之祀時祭  
既別有烝嘗之書則禘不止於春也何為而又有時  
禘乎豈以大傳有大夫士禘及其高祖士虞禮有  
哀薦禘事之言而遂比附其義歟夫禘言於大夫士  
者本為禘發蓋新主禘則高曾祖考之位皆當述遷

其禮宜裕然男祔不及女女祔不及男不相雜也若  
時事則大夫士不能備羣廟雖禮尸止在一堂而四  
親異室男女各室曷常用裕哉况天子諸侯既有特  
廟則四親不可以不特祭也時事而裕逸則逸矣然主  
皆相見如男女何彼春秋所謂有事者盖因事告祭  
乃禱祠之類耳而與烝嘗分為兩時事不亦贅乎其  
後致堂胡氏於王制植裕之說既辨其非信齋楊氏  
於緯書裕禘之期又闢其妄理亦可以易曉矣而後

儒相沿卒莫能辨非新舊習之雜移簡節之易溺歟  
是故特祭四親之廟以四時焉特享不遷之廟以秋  
嘗焉禘祫太祖之廟以冬烝焉此祭之正也其餘無  
常時者惟因事告祭而已每月則於祖廟有告朔於  
親廟有薦新其禮亦略皆不列於正祭矣此所謂明  
於祭享之時也

此一段明祭享之時

夫祭禮之大者聖人之所

重也故孔子曰明乎禘嘗之義治國其如示諸掌乎

聖學不傳情文俱喪戰國諸儒務為誇誕或以國俗

淫威附為古義或以迂儒辟見著為成書各以其能  
售知世主而其徒轉受遂至流傳豈獨漢儒之罪哉  
夫五帝不相沿樂三王不相襲禮雖其言果出於聖  
人苟於時宜不合有三重者猶當一斷以理而變通  
之况世儒附會難通之論哉文獻不足祀宋無徵然  
天理之在人心者自堯舜至於途人一也不蔽於心  
節文具在安得盡謂先儒之說已有可據而不一致  
疑哉不揣庸愚爰考斯義正以博求大雅君子一講

明耳

又按禮經無墓祭之文而上陵之禮三代以前雖不經見然自漢以後歷代相承率不敢廢非不敢也蓋不忍也光武凡三幸長安皆有事於十一陵蔡邕曰聞古不墓祭朝廷有上陵之禮始為可損今見其儀察其本意乃知孝明帝至孝惻隱不可易唐開元禮有天子上陵儀注又歲有清明設祭朔望時節之祀宋又行於春秋以為常我朝上陵之禮歲凡三舉為

清明也中元也冬至也每遇行禮文武諸司各遣官一員而以親王或駙馬主祀事天下無事天子於清明日亦或一行其藩王或來朝者亦許謁孝陵在南京內外臣僚有事經過者必先拜謁否則有罪

### 廟祀總論

按廟制者王制天子三昭三穆與太祖之廟而七其制在中門之左外為都宮內有門垣太祖在北左昭右穆以次而南則其大略也漢承秦弊諸廟各建首

違古制明帝又欲遵儉自抑藏主先廟章帝承之遂不敢加而同堂異室之制立更歷為晉唐宋皆不能有所裁正至使太祖之廟下同子孫無以見其為七廟之尊羣廟之神厭於祖考而不得自為一廟之祖孝子順孫宜亦有所不安矣

按禘祫者禮王者既立始祖之廟又推始祖所自出之帝而以始祖配之曰禘合毀廟未毀廟之主而享於始祖之廟曰祫蓋縟儀盛物莫備於禘祫而追本



追遠亦莫深於禘祫天道小變於一閏則三年一祫

三年一閏天道小備故三年一祫天道大備於再閏則五年一禘五年

一閏天道大備禘以四月維時生長乃祭其所自生

祫以四月則春夏之間生長之時故祭其所自生祫以十月維時成熟乃原

其所由本祫以十月則秋冬之交成熟之際故反其所由本禘祫之祭其大

略如此漢唐而下或祫不及祧或禘非其祖雖謂之

不祫不禘可也而或缺焉不舉或歲暮一行又豈不

疏不數之謂哉按祧廟世室者王者既立七世之廟

矣三昭三穆之數已盈而有升祔之主當入乃議祧  
焉三昭三穆之主當祧而有功德之主當崇乃議世  
室焉蓋父昭子穆而有常數者禮也祖功宗德乃無  
定法者義也今以劉歆之說考之周共王之時稷為  
始祖武康穆為三昭文成昭為三穆猶七廟也至懿  
王則共王升祔而文王當祧以有功德也乃立文世  
室於三穆之上而八廟始增至孝王則懿王升祔而  
武王當祧亦有功德也乃立武世室於三昭之上而

九廟始備自是而成王不可祧也乃十廟焉自是而

康王不可祧也乃十一廟焉蓋七廟者天子宗廟之

常數親盡則祧世室者在七廟之外正以待有功德

當祧而不可祧者初不限其數也

按周人宗廟都宮之制七廟各為一

室太祖之廟居中分為三昭三穆其中有功德者別出之以為世室如劉歆之說兄弟相繼者各為一世而各自為室每歲四祭如周禮所謂祠禴嘗烝者春祠則禴祭夏秋冬則禘祭如特祭一廟前一日省視當日行禮十四日遍七室每室各祭則羣廟之主各得自伸其尊而不厭於太祖矣至於夏禴秋嘗冬烝則先期各於其廟告以時禘之意至日各迎其主禘食於太祖之廟而已祧者不與焉則主祭者不勞而

而行之  
不難矣

漢而下有未及祧廟未正世室而備九廟十  
一室者皆不深考於禮者也夫廟制也祫禘也祧廟  
世室也皆禮制之大者也三代相因莫之能改也至  
如所謂特享出主祔食者宗廟之禮莫詳焉按特享  
者王制天子特禘祫禘祫嘗祫烝解者曰春時特祀  
各於其廟也禘嘗烝皆合食由是觀之春孟特祀三  
孟合食自古則然矣蓋物各有則禮貴得中專於特  
享則不足以萃其離而合其異專於合享則不足以

伸其敬而全其尊專特傷仁專合傷義况先王制禮  
緣時物有已成未成之時故時祭為特享合享之異  
各有取義非無謂也而漢唐以來四時之祭一於合  
享亦非禮之盡得也按出主者禮天子合祭於祖則  
祝迎羣廟之主主出廟入廟必蹕是古者合享於太  
廟未有不主也夫體魄窳窳之後神氣則無所不之  
故為主以依之主之所在神之所在也中庸記宗廟  
之禮設其裳衣而主固臨於上也惟漢作原廟月以

衣冠出遊先儒謂漢惠飾非叔孫侮禮而況以衣冠


代主尤為無謂也哉

原廟衣冠始孝惠之飾非叔孫通之侮禮也

按祔食

者禮殤與無後者祔食孔子告曾子亦曰殤與無後者祭於宗子之家伊川又曰殤子無後者祭終兄弟之孫之身由是觀之正享之祭長配食之祀短故非短也從祖祔食各以班祔其勢不得不然耳既從祖而祔即從祖而毀亦理勢之自然豈有正享之祖已祔而祔食之孫乃尚歸然獨存也是宜停祀罷享不

俟終日者矣特享也出主也祔食也皆品節之詳者也三代相因亦未之能改也我國家於宗廟之禮講究於初年因革於累世參諸歷代之載籍博采羣臣之奏議固詳且備矣然廟制出於中年之改作禘祭滯於上世之難推祧祀緩於七室之既盈大禘篤於歲暮之煩數特享已於同堂之歆祀出主重於神靈之安安而祔食之位又以其因仍沿襲而莫之罷焉更化善治不無望於今日也矣



圖書編卷九十九